

U EDZISELWA HA VHUKRISTE

2 Ndo livhuwa. Ndo livhuwa, Mukomana Vayle. Zwi dzulela u divhiwa uri ndi zwavhuđi u vha o dzulaho fhethu ha Maṭadulu kha Kristo Yesu na vhathu Vhawe. Huno ḥamusi ndo vha na tshikhala tshavhuđi tsha u dalela tshivhidzo tsha Mukomana wa mufunzi, na tshifhinga tshavhuđi tsha vhuledzani tshe ra vha natsho rothe, musi ro dzula fhethu ha Maṭadulu kha tshivhidzo tsha Baphuthisi ano matsheloni.

3 Huno zwenezwo ri na tshone—tshone tshiswiđulo na Dokotela Wierwille (a thi koni u li amba zwone.), na vharathu vhawe, na vhaňwe vhanzhi, lone—lone dokotela, dokotela la maño, na tshinwe tshigwada tshe ra la tshiswiđulo rothe tshikhala tshi si gathi tsho fhiraho. Huno heli lo vha duvha la dakalo zwavhukuma, huno nne ndi tshi fulufhela kha Mudzimu uri li do isa phanda nga u ralo duvha lothe u itela rine rothe, sa vhunga ro ḥangana rothe kha Kristo, u tou itela u dzula fhethu ha Maṭadulu Nae.

4 Huno zwo vha tshikhala tshanga tsha—tsha u amba na inwi ano masiari. Ndi tou vha na ipfi li hwasahonyana, nga nthani ha, zwo luga, ndo da na murotholo muťuku, nahone ndi . . . Zwi tou vha zwi kondaho kha malofha ashu a tshipembe, ni a divha. Hu a rothola nthā hafha nahone u rothola zwiťuku u fhira hayani; huno zwenezwo u tshimbila hothe nga maandā.

5 Vhege nthihi, zwino, vhege . . . U yela kha iňwe vhege kana maduvha a sumi, Murena a tshi funa, ndi do vha ndi Phoenix, Arizona, hune vhana vha tshimbila nga ḥayo, vha tshi gidima hothe-hothe, zwenezwo nthā ngei California, huno zwenezwo nthā ngei Phendelashango ya Vhukovhela hafhu hune ha khou rotholesa hafhu. Heyo ndi yone ndila ine dzitshumelo dza vhuevangeli dza tshimbila ngayo, kana, vhutshilo ha tshimbila, zwavhuđi-vhuđi, kha muevangeli. Fhedzi ndi tshikhala tsha vhuđi tsha u shumela Murena. Ndo takala hani zwavhukuma.

6 Huno zwo ralo, zwi vhonala unga muňwe muthu u do ri, “Mukomana Branham, ndi kholwa uri vhutshilo hau hothe ndi vhutshilo ha gundo.” Oo, ni tou vha ni sa vhu divhi hothe. Oo, vhu tou vha—vhu tou vha vhutshilo ha gundo, sa vhune na vhu divha kha Kristo. Oo, ndi tshikhala tsha vhuđi hani kha nne u divha uri U ya ntendela nda amba na vhana Vhawe na uri ri tea u kuvhangana hani rothe nahone ra amba, ra rerisana, nahone ra losha. Hezwo ndi zwavhuđi. Fhedzi hu na zwithu zwi tshimbilaho nazwo; zwi a kondā, zwi ngaho u ḥutshela muťa u itela tshithu tshithihi. Ndi na muťa wavhuđi na mutukana muťuku ane musi . . .

⁶ Ndo dzea luvhili. Mufumakadzi wanga wa u thoma u lovha musi ene . . . musidzana wanga muṭuku o vha a tshe na miñwedzi ya malo, huno Billy muṭuku o vha a na miñwedzi ya fumimalo. Ene o vha a na fumbili-mbili, ndi a elekanya, huno nñe ndo vha ndi na ya u yela kha fumbili-rathi. Huno nda—nda mu lozwa, huno a . . . ndi—ndi—ndi humbelo pfarelo a tho ngo divhudza u amba izwo nga heyo ndila. A tho ngo mu lozwa. O di tou gonya n̥tha, huno . . . ene na lushie vhothe. Huno ndo vha na Billy lwa miñwaha, huno zwenezwo musi a tshi ya tshikoloni, Murena o n̥nea mufumakadzi a funeaho muṭuku, huno ro dzeana lwa miñwaha miña nahone musidzana muṭuku, Rebekah, a bvelela.

⁷ Miñwe miñwaha miña, nga itsho tshifhinga, ndo vha ndi ngei Minneapolis kha muṭangano, hune nda khou ya u itela muṭangano wanga u tevhelaho; murahu ha fhano ndi khou ya Evansville nda kona u ya Minneapolis, nda ya Phoenix, murahu ha u imanyana ngei Louisiana. Zwo ralo, ndo vha ndi n̥tha afho, huno ndo vha ndi tshi khou dzhia vhutshilo ha Joseph, ndi tshi khou tou vhala vhutshilo hawe. Huno ni a diyha, Abrahamu, ndo rera ngazwo ano matsheloni, Abrahamu o vha a o khethwaho. Huno Abrahamu a beba Isaka, zwine zwa vha u itwa o lugaho. Isaka a beba Yakobo, zwine zwa vha tshilidzi. Huno Yakobo a beba Yosefa, zwine zwa vha u itwa o khunyelelaho, a hu na na tshithihi tsho khakheaho kha Yosefa. Huno ndo vhona vhutshilo hawe vhuhulu, huno nda ri, “O, Mudzimu arali . . .”

⁸ Huno ndi—ndi tou vha muthu zwave a ḥogomelaho, vhunga ni tshi vho zwi divha. Huno nda ya lufherani luṭuku, ngauri, zwo luga, huno Mudzimu u do pfa thabelo yanu huiwe na huiwe, fhedzi O ri, “Dzhenani bvungwi ha lufhera,” hafhu-vho. Huno oo, ndi a kholwa hu na zwo edanaho nga ha nñe zwa uri a tho ngo aluwa zwavhuđi fhedzi kha heyi miñwaha ya fuina-sumbe, zwenezwo nda sokou ya lufherani huno nda vala vothi. Huno nda sokou lila nga dakalo.

⁹ “Oo,” nda ri, “Ndi do takala zwiḥulu ḥinwe ḥuvha musi ndi tshi wela seli u ḥangana na Yosefa nahone nda khađa tshanda tshawe; nda vhona Daniele huno nda mu vhudzisa uri o ḥipfa hani musi dzilādzindau dzi tshi gidimela khae, huno ila Khavhu ya Mulilo wa Tshedza ya ima afho nahone ya thivha dzindau vhusiku hoṭhe; nda vhona vhana vha Vhahevheru, uri vho bva hani kha dziyha la mulilo na muya wa Pentekostala u mona navho, u tshi mona na u mona, u tshi khou thivha tsivhela.” Nda ri, “Tshifhinga tsha vhudi hani.” Huno nda ri, “O, Mudzimu, arali Wa vhuuya wa n̥nea ḥwana, ndi do mu ira dzina la Yosefa (mutukana).” Huno Billy o vha a mutukana wa tshiimo tsha vhudi zwila. Huno zwenezwo, ni a divha, musi ndi tshi isa phanda na u lavhelesa, nda dzhena kha, zwo luga, a thi divhi uri ndi zwi vhidze mini, a thi koni u ḥalutshedza izwo, a thi ḥodi . . . Ndi: ni nga si ḥalutshedze Mudzimu; Mudzimu u seli ha u ḥalutshedza.

¹⁰ Arali ha vha na muñwe muthu hafha a ne a do tama u zwi swikelela u ya nga hune nda zwi vhidza “fhethu ha tthisaintsi” : N̄ha ngei kha tshiñwe tshikhala, ni huñwe fhethu, ndi zwavhukuma sa zwine izwi zwa vha zwone, fhedzi ni tou vha huñwe fhethu, nahone ni na luvalo uri ni henefho, fhedzi ni a zwi divha uri ipfi lanu li fhano, fhedzi ni ngei. Ni a vhona? Zwi talutshedzeni? A thi koni. Fhedzi Tshiñwe tshithu tsho ri, “Ni khou ya u vha na murwa, nahone ni do mu ira dzina la Yosefa.”

Oo nne-nne, henefho u bva muñanganoni, “Ndi khou ya u vha na mutukana ane a pfi Yosefa.”

¹¹ Zwo luga, hu sa athu fhela tshikhala tshilapfu ra zwi divha uri ri khou ya u vha na lushie. Muñwe na muñwe a ri... Huno mufumakadzi wanga, vhatu vhawé na vhothe vho vha vha tshi beba nga muaro. Huno zwenezwo dokotela a ri, murahu ha musi Rebekah a tshi bebwa, a ri, “Hezwo ndi zwa u fhedza, nga nthami ha dzinwe nyimele, uri ha tsha do dovha a vha na vhana.”

“Zwo luga,” nda ri, “Murena wavhuđi u a zwi divha zwothe.”

Huno—huno zwenezwo ro—ro vha ri tshi zwi divha uri ro vha ri tshi khou ya u vha na lushie, ngauralo ra kana-kana arali... Vhanwe vhavho vha ri, “Naa uyo ndi Yosefa?”

Nda ri, “A thi divhi,” nda ri, “fhedzi ri khou ya u vha na Yosefa, ngauralo,” nda ri, “Ndi a tenda uri zwo ralo.”

Huno musi a tshi bebwa, ho vha hu musidzana. Oo, ni amba nga ha u ntshinyadza. Hothe hothe, ndo wana marifhi, a tshi ri, “Ri elekanya uri mabono au ho ngo zwifha.”

“Ho ngo vhuya a zwifha.” Nda ri, “Yosefa u do bvelela.”

¹² Huno zwenezwo musi dokotela a tshi disa musidzana muñuku, a ri, “Oo, Vho. Branham,” a ri, “o onda zwavhukuma,” a ri, “ri tea u ita tshiñwe tshithu nga hezwi,” a ri, “uri vha... a hu tshe na vhana vhane vha do bvelela.”

“Fhedzi oo, hai, Yosefa u do bvelela.” Huno zworalo, ndo ima henefho...

Zwenezwo hu tshe ho tou fhela tshikhalyana, musi, ha fhira, miñwaha mina ya fhira. Vhanwe vhavho vha isa phanda na uri, “Zwo luga, hetsho ndi tshiñwe tsha zwifhinga tshe zwa kundelwa.”

Nda ri, “Hai. Ni elelwe, a tho ngo vhuya nda ri hoyo ndi Yosefa. Ndo ri, ‘Yosefa u do bvelela.’”

¹³ Ngauralo hu sa athu u fhela tshikhala ra zwi divha uri ro vha ri tshi khou ya u vha na lushie, murahu ha u yela kha miñwe miñwaha mina, ndi khou ya u vha na lunwe lushie. Zwo luga, nda ri, “Zwo luga, ndi a fulufhela uri hoyu ndi Yosefa.”

Ngauralo ho no fhela tshikhalyana, ngani vho ralo, vhothe, who ri, “Naa uyu ndi Yosefa?”

Nda ri, “A thi divhi. Fhedzi Yosefa u do bvelela.”

¹⁴ Ngauralo ra gwadama fhasi, mađuvha mađuku, kha Mbebo ya muaro, huno, zwo luga, zwithu zwine ndi nga si kone u zwi amba phanda ha vhathetshelesi vho vanganaho, fhedzi vha tea u dzhena ngomu, u, u itela muaro wavho, phanda ha tshifhinga. Huno ho vha hu na muñwe mufumakadzi ane a dzula ðoroboni, uyo a ɻungufhadzaho a dzhenwa nga u ðada, lune a elekanya uri u khou tea u vha murangaphanda wa tshimuya wa vhutshilo hanga, huno a mmbudza hune nda teya u ya, na zwine nda teya u ita. Ndo zwi hanedza, zwi khagala, ni a vhona, ngauri, Muya Mukhethwa u ita izwo.

¹⁵ Huno ngauralo, o vha a tshi khou fhirisa garaña, huno a ri, “Zwino, hafha ndi hune Billy a khou ya u wana *yawé*,” a ri, “Mudzimu u khou ya u mu dzhieila Meda zwino.” Huno a ita uri zwi ñwaliwi nahone zwi andadzwe u mona na shango, ni a ñivha. Huno mufumakadzi wanga, nga u vha wa mazhuluzhulu, oo, muthu muñuku a ɻungufhadzaho o vha a tshi tou vha tsini na u lovha.

Huno a bvelela, a ri, “Oo, Bill, naa wo zwi pfa izwo?”

Huno nda ri, “Oo, hezwo a zwi iti phambano. Mudzimu o ri ri khou ya u vha na lushie, nahone izwo zwi a li ladza.” Ngauralo ra . . .

¹⁶ Huno nda tea u elekanya, ni a ñivha, huno ene o neta zwavhukuma, nda sokou ya fhethu; ndi na fhethu ha tshiphiri (No no pfa nga hazwo.), murahu ngei hune nda ya bakoni, huno nda kokodzela murahu; FBI a i ngo kona u nngwana. Ngauralo nda—nda humela murahu heneffo. Ndo vha ndi murahu afho ndi tshi khou rabela, huno Murena vha nthumela nnđa phanda ha . . . musi Vha tshi amba na nn̄e . . . hu na matanda a kale’ o dzulaho heneffo; n̄tha tshikwarani he nda vha ndi tshi dzulela u rea zwiña musi ndi mutukana. Huno heneffo A—A ntendela nda ñivha u sa vhilahela na zwiñuku-ñuku.

¹⁷ Huno musi ndi tshi ya hayani, nda dzhena ha Mukomana Wood (munna a re fhano na nn̄e, na khaladzi), ndo vhona ula mutuku a ɻungufhadzaho a tshi khou bvelela murahu ha dzharaña, tshifhañuwo tshawe tshiñuku tshi tshi vhonala tshi tshilora, nahone o vha a tshi khou ya u bvisa dziñwe tshika nnđa ngei kha—kha bini la tshika. Huno nda ya khae. O vha a tshi khou lila. A ri, “Oo, Billy,” a ri, “Margie a i koni na u nndondola.” Helo ndi nese, nese la Mayo le la fhodzwa kha muñangano, li tshi lemela dzibonndo dza furaru-ñhanu, nga pfuko, nyimele ya u thoma. Huno u kha sibadela tsha pfuko ngei Louisville, o lovha u yela kha miñwaha ya fumi; u khou onga ngei sibadela.

Ngauralo, a ri, “Margie u kha zwa shishi, a nga si dzule na nn̄e.” A ri . . . U mu funa nga maända.

¹⁸ Nda ri, “Lavhelesa, Mufuñwa, ri a funa Khaladzi Margie, fhedzi ri nga si di gogodedze nga Khaladzi Margie; ri di gogodedza nga Murena Yesu. Ni a vhona?” Nda ri, “Ri a funa

Khaladzi Margie.” Huno nda ri, “Ndi khou ni Ძoda ni tshi vha wa Ძhuthuwedzo yone.”

A ri, “Nga mini?”

Nda ri, “Ni a ᲅivha hune nda bva?”

A ri, “Ndi na muhumbulo wazwo.”

Nda ri, “Ndi na ARALO MAAMBA MURENA.” Um-hum. Izwo zwa li ladza, ni a vhona, henehfo.

¹⁹ Huno matsheloni a tevhelaho ha bebwā muṭuku. Huno musi nese li tshi bvelela, rothe ro vha ri tshigwada tsha vhokhotsi, ni a ᲅivha, vho bvisa hani khaphethe, ni a ᲅivha, ngauralo, ndo vha ndi navho. Nese a bvelela, a ri, “Mufunzi Branham?”

Huno nda ri, “Ee, mme.”

A ri, “Ndi khou ni sumbedza zwo lugaho, phaundu dza sumbe, mutukana wa ontsu tharū.”

Nda ri, “Yosefa, zwo dzhia tshifhinga tshilapfu uri u swike hafha. Fhedzi ndo takala zwihulu u fhano.”

A ri, “Ndi ngani u tshi mu ira la Yosefa?”

Nda ri, “Hezwo ndi zwine a vha zwone.”

²⁰ Zwi a kondā u mu Ძutshela, sa musi hu hone a tshi khou thoma u ᲅivha uri hu tshimbiliswa hani, u tzhemā, “Gai Dada?” Fhedzi ndi tshikhala tsha vhudi u zwi itela Murena Yesu. Huno ndi a ᲅivha vhoiñwi vhanna, vhunzhi ha vhoiñwi hafha, ndila nthihi, ni na zwithu. Fhedzi liñwe la haya mađuvha a vhugala, “arali ndi wa u fulufhedzea kha Mutshidzi wanga, kha tshanda Tshawe tshi endedzaho ndi do Ძambatela, U do ri endedza seli ha mulambo.” Hetsho ndi tshithu tsha ndeme.

²¹ Zwino, ni do teya u—ni do teya u bvela nda nga u Ძavhanya u itela uri ni kone u ya hayani, huno ni vhe na tshiswitulo tshañu, huno ni vhuye murahu. Huno vha do vha vha tshi khou Ძetshedza garaña dza thabelo u itela madekwana a Ძamusi. Huno no elekanya hani nga ha vhusiku ho fhiraho? Naa no takalela ziwa khwiñe? Zwenezwo, izwo ndi zwa vhudi.

²² Ndo livhuwa zwihulu madekwana o fhiraho, lwa u tou thoma he nda vha na izwo u bva ndi...lwa miñwaha na miñwaha. Ndi vhangana vho no dzhenelaloh kha miñtangano yanga huñwe fhethu? Hu tou vha... Ni a ᲅivha, izwo ndi ngoño. Huno nne...

²³ Hezwi zwi nga si iteye u vha ane nda elekanya uri ndi ene, naa zwo ralo? Jim O’Neal, ndi zwone? Oo, nne-nne, naa Jimmy u hone? Huh-uh. Ene... Hoyu muthu, Mukomana Green, mukwasha wawe ndi ene mbuno ya uri ndi reile Ford, wawe... mukwasha wau. Huno ndi tou ᲅivhudzisa arali Jimmy o vha a fhano, mutukana wa u luga wa Mubaphuthisi, huno ndi a mu funa zwavhukuma.

²⁴ Huno ri—ri khou lingedza u bva u Ძavhanya, u itela uri vhone—vhone vhatukana vha kone u vhuya murahu huno vha

netshedze garaṭa dza thabelo u itela ano masiari. Huno ri khou lavhelela u shelwa hunzhi ha phaṭhutshedzo Dzawe, sa vhusiku ho fhiraho.

²⁵ Ndo ima afha vhusiku ho fhiraho, musi ndi tshi vha na muduba wo ḋoweleaho, ndi si na vhañwe (Ni a vhona?), huno nda pfa, musi ndi tshi imisa zwanda zwanga, n̄ha, ayo mapundu na mapfundo na zwiñwe. Ni sokou pfa tshiñwe tshithu tshi tshi iteya tshandani tshañu, na lavhelesa, huno tsha vha tshi siho afho. Hezwo—hezwo zwi ni ita uri ni dipfe no takala. Ndi a ni vhudza; zwi a ralo; zwi nnyita uri ndi dipfe sa ane a khou humela murahu nahone u vha na dzitshumelo dza phodzo.

²⁶ Ngei kha heyi...Bivhili yo fhaṭutshedzwaho ya kale, ine ya vha Bugu ya u endedzela Vhutshiloni, ha Lini na lini; huno kha Hesekiele ndima ya 36, huno ri khou ya u vhala yone... mutala fhedzi u bva kha—kha ndima ya 36, ndimana ya 27. Huno u itela liñwalwa, ndi khou ṭoda u shumisa, ano masiari, *U Edziselwa Ha Vhukriste*. Huno ngavhe Murena vha tshi engedza dziphaphaṭhutshedzo Dzavho kha Ipfi Lavho musi ri tshi li vha.

*Huno Ndi do vheya myua wanga kha inwi, . . . huno ni
do tevhedza khaṭhulo dzanga, nahone na dzi ita.*

²⁷ Zwino, Hesekiele o vha a muporofita, huno muporofita kha Bivhili u dzhiwa sa goni. Zwino, goni ndi tshiñoni tsha maanda zwavhukuma, nahone li a kona u fhufhela n̄tha u fhira tshiñwe tshiñoni, ngauri yało—mvumbo yało yo fhambana na ya tshiñwe tshiñoni. Li ya kona u imela hone—hone vhulapfu ha uya n̄tha, nahone li a ya n̄tha muyani. Huno Mudzimu o fanyisa muporofita Wawe na magoni. Vho tou itwa nga yeneyo ndila. Vha takuwa Muyani vha ya n̄tha-n̄tha, huno vha kona u vhona zwithu zwa kule zwi tshi da. Zwenezwo musi vha tshi vhuya fhasi, vha ya kona u amba zwe zwa vha zwi tshi kha di itwa.

²⁸ Huno Hesekiele o vha a muñwe wa magoni a Mudzimu, ane a kona u fhufhela n̄tha-n̄tha nahone a vhona mađana na mađana na... a miñwaha i ḋaho. Ni a divha, zwi nga musi ni tshi gonya n̄tha ni—ni kona u vhona zwa kule. Huno ngauralo lone—lone goni li na—li lo vhuđi li tshimbilelanaho na vhulapfu; ngauri arali lo vha li si na vhuhulu ha lijo, zwi nga si li thusé u ya n̄tha, lo vha li nga si kone u vhona zwa kule. Fhedzi lijo la goni li khwiñe u fhira la lianga tshifhinga tshothe. Li a kona u vhona u fhira la lianga, li a kona u fhufha u li fhira nga ndila inwe na inwe ine la ṭoda. Huno li n̄thesa u fhira lianga.

²⁹ Huno ndo guda vhutshilo ha ḋaka na—na zwinoni. Huno tshiñwe tshifhinga ndo vha ndi ngei Cincinnati, fhasi hafha, kha—kha vhugalaphukha vhuhulu. Vhunzhi ha vhoinwi no no hya. Huno vha sokou dzhia goni, nahone vha li posa tshitumbani. Huno tshiła tshiñoni tshi tungufhadzaho, ndo tshi pfela vhuṭungu zwavhukuma. Tshi do thamuwa tshi tshi rwa pala idzo nga zwothe zwine tsha vha nazwo. La ḫuvhula

mathenga u bva kha thoho ya^{lo}, na mathenga a phapha u bva kha phapha dzalo. Li gidimela khao sa *hezwo*, li tshi khou lingedza u fhufhela nn̄da. Huno la rwa pala la wela murahu; la edela heneffo nga mu^{ta}nana wa^{lo}. Ayo ma^{to} a do zwima u mona na lutombo.

³⁰ Huno nda elekanya, “Oo, ndi zwithu zwi shonisaho hani zwine itsho tshinoni tshi tungufhadzaho tsha vha zwone. Ngauri tsho itwa, vhumbwa u vha tshinoni tshi fhufhaho ma^{ta}qulu. Huno khetshi afha tsho rewa, lwa vhutshilo hatsho ho^{the}, kha tshitumba tshituku.” Huno u divha uri tshi nga kona u lavhelesa nahone tsha vhona zwithu zwine...na fhetu hune tsho t^ululushelwa u vha hone, fhedzi tsho vha tshi sa koni u bva kha hetshi tshitumba.

Nda elekanya, “Muthu a shonisaho hani, kana, tshi nga vha tshi tshinoni tsha hani.” Nda elekanya, “Hezwo ndi zwi^{hwe} zwa zwithu zwi tungufhadzaho zwine ndo no vhuya nda zwi vhona.”

³¹ Fhedzi zwenezwo, musi ndi tshi rembuluwa, ndi vhona zwi tungufhadzesaho. Huno hezwo ndi, vharwa vha Adamu, vhe vha itwa uri vha vhe vharwa vha Mudzimu, vha tshi rwa maluvhi avho, vha tshi lingedza u wana mudifho wa u fusha kha vhuno vhutshilo, huno vha tshi divha uri vho bebwa uri vha vhe vharwa vha Mudzimu a tshilaho; huno vha sokou dirwa lu vhavhaho, vha tshi gidimela *afha* na u gidimela *afho*, vha tshi thuntshana nga tshavho, vha tshi betsha, na u tswa, na u furana nga tshavho, musi vho bebwa uri vha vhe vharwa vha Mudzimu. Hezwo ndi zwi tungufhadzaho zwe nda vhuya nda zwi vhona, ndi vhanna vha hon^{el}wa nga tshivhi.

³² Fhedzi hu na tshithu tshithihi nga hazwo. Hu nga vha hu na zwe raloho sa muⁿwe muthu wa mbilu ya vhulenda ane a nga tendela ilo goni la bvela nn̄da ha afho. Huno ndo takala zwi^{hulu} u ri kha vharwa vha Adamu, ano masiari, uri ho vha na Muthu wa mbilu ya vhulenda we a da kha vharwa vha Adamu: Murena Yesu, Ane a do vhofholola muⁿwe na muⁿwe ane a *to*da u *tu*wa. Zwi kha inwi.

³³ Zwino, ri wana vhathu vhanzhi vha tshi khou lingedza u edzisela Vhukriste. Vhukriste ndi... a zwi ambi u vha murado wa tshividzo. Vhukriste ndi tshenzhemo. Muⁿwe muthu o ri kha nne... zwe luga, ho vha hu Little Rock, Arkansas. Ro vha ri ngei Audithoriamu ya Tshihumbudzi ya Robinson, huno vhathu vho vha vho kuvhangana nahone vho dala zwi^{taratani}, huno Murena o vha a tshi khou nea mvuseledzo khulu.

³⁴ Huno ho vha hu na murathu we a vha a Munazaretha, o vha a kha pulatifomo, huno o vha a tshi rengisa dzipenisela tshitaratani. Huno o vha a tshi tshimbila nga makobodo, lwa minwaha. O vha a tshi ima nga haya makobodo o bvula na muⁿadzi wawe nahone a na penisela dza u rengisa, muhumbeli. Huno musi Murena kha mveledzo Yawe Khethwa, vhu^{ta}li, na

tshilidzi kha muthu, a tshi sumbedza bono, a mu vhudza nga ha tshinwe tshithu tsho iteaho, huno hoyu munna a mbo di fhodzwa nga tshihadu. Huno duvha li tevhelaho a vha na tshiga tshihulwane kha hayo makobodo a tshi khou tshimbila tshiṭaraṭani, sa *hezwi*, o a hwala, a tshi khou sumbedza muňwe na muňwe. “Hedzi khonani dza kale dzo vha dzi tshi ntikedza. Zwino, ndi khou digogodēza nga zwānda zwa lini na lini (Huno o vha o ralo . . .) zwa Murena Yesu.”

³⁵ Huno o vha a na mafulofulo nga maanda. Huno musi a tshi vhuya murahu tshumeloni vhula vhusiku, o vha o dzula kha balíkhoni, tshiňwe tshithu tshi ngaho itsho. Huno zwa khwiňe zwiňe nda elelwa, zwo vha zwi na zwivhili kana khaňwe—khaňwe mbili kana balíkhoni tharu. Huno zwo diralo, ndo vha ndi kha di tou thoma u amba sa zwino, huno o vha o hwalea zwavhukuma, murathu wa kale a ḥungufhadzaho, u swika musi a tshi takuwa, a ri, “Mukomana Branham, ndi khou ṭoda u u vhudzisa tshiňwe tshithu.”

Nda ri, “Ee, murathu.”

³⁶ A ri, “Ndo u pfa u tshi khou rera, huno nda sokou zwi ḥivha uri u Munazaretha.” Huno a ri, “Zwenezwo nda u pfa . . . muňwe muthu a tshi ri u Mubaphuthisi.” Huno a ri, “Zwenezwo ndi vhona hothe u mona na iwe ndi Vhapentekostała.” A ri, “U mini, Mukomana Branham?”

Nda ri, “Hezwo zwo leluwa. Ndi Mupentekostała Nazaretha Baphuthisi.” Ngauralo hezwo zwi tou vha kokotolo . . .

³⁷ Vhukriste ndi vhutshilo. Pentekoste, ndi—ndi . . . ndi a zwi ḥivha uri who i ita tshiimiswa, ipfi *pentekoste*, huno vha ḥiimisa kha dzina. Fhedzi Pentekoste ndi tshenzhemo, hu si dinomineisheni. Pentekoste i wela kha Vhabaphuthisi, Vhapphuresibatherieni, Vhaluṭere, Vhanazaretha, yothe. Pentekoste ndi tshenzhemo.

Huno zwi vhonala vhunga vhaňwe vhathu vha na tshifhinga tshi kondaho kha u lingedza u tshila vhutshilo ha Tshikriste, musi zwavhukuma-kuma, zwi si hezwo, ndi . . .

³⁸ Muňwe muthu o ri, musi ndi tshi bva kha mulingo muhulwane wanga tshila tshifhinga, murahu ha musi ndo lozwa mufumakadzi wanga, lushie, na zwiňwe zwothe, a ri, “Mukomana Branham, naa wo farelela kha vhurereli hau nga tshila tshifhinga?”

³⁹ Nda ri, “Hai, muňe wanga, ho fara nne nga hetshila tshifhinga.” Ngauralo ndi nga zwezwo. Ndi nga si farelela kha Kristo; U fara nne. A si uri kana ndi a kondelela; ndi uri kani U ya kondelela. Huno ndi mpho kha mne.

⁴⁰ Huno zwenezwo musi, ndi tshi vhona vhathu vha na hetshi tshifhinga tshi kondaho, hu tea u vha na tshiňwe tshithu tsho khakheaho huňwe fhethu. Zwino, arali vhurereli ha Tshikriste

ho disendeka nga khwaṭhisēdzo ya mikhuvha, dinomineisheni, kana ḥalukanyo, zwenezwo a ri Ძodi tshithu fhedzi tsha vhudi, tshigwada tsho ḥalifhaho tsha vhatu. Ndi zwezwo fhedzi zwine ra Ძoda, arali tshivhidzo tshi tshi tea u vhuswa nga ḥalukanyo.

⁴¹ Zwino, ḥalukanyo ndi ya vhudi. Ni nga Ძanganedza Ipfi lwa ḥalukanyo, fhedzi Li tendeleni li Ძwelele fhasi mbiluni. Hafho ndi hone hune la—la thoma u kaṇa mvelelo.

⁴² Zwino, fhedzi arali Mudzimu a tshi ri Ძoda ri tshi tshimbidza tshivhidzo Tshawe nga dinomineisheni kana mikhuvha, tshithu tshi tshothe tshire ra Ძoda ndi vhutali ha muthu: u anda ha u ḥalifa ha muthu, vhukhwine ha tshivhidzo. Fhedzi heyo yo vha i si mbekanyamushumo ya Mudzimu. Mbekanyamushumo ya Mudzimu ho vha uri Muya Mukhethwa u tshimbidze tshivhidzo. Muya Mukhethwa wo Ძetschedzwa tshivhidzo. Huno ri nga si vhe na zwithu zwivhili zwi tshimbidzaho tshivhidzo nga tshifhinga tshithihi. Arali muthu a tshi khou tshi tshimbidza, Muya Mukhethwa u a Ძuwa. Arali Muya Mukhethwa u tshi khou tshi tshimbidza, kanzhi muthu u ya Ძuwa. Ngauralo zwi tou vha tshithihi kana zwiñwe.

⁴³ Ngauralo, ri teya u swika kha heyi phendelo, uri, Mudzimu u Ძoda Muya Mukhethwa u tshi tshimbidza tshivhidzo. Zwino, a thi ambi uri Muya u do takuwa nahone wa rera, ngauri Muya Mukhethwa o vheya vhatu tshivhidzoni u itela tshiñwe tshithu; fhedzi ndi amba hezwi, arali ḥalukanyo hu zwone fhedzi zwine tsha Ძoda.

⁴⁴ Dzhielani nzhele, zwino hafha, Hesekiele u khou amba, o amba uri U do vheya hani mbilu ntswa (ndima nthihi), a bvisela kule ya kale, mbilu yo omaho, huno U do ni neya muya muswa. Huno zwenezwo U do vheya Muya Wawe kha inwi.

⁴⁵ Zwino, mbilu ntswa a zwi ambi u shumana na ya kale. A zwi ambi uri tshivhidzo tshi khou Ძoda u takuswa zwifhaṭuwo. Zwi amba uri tshivhidzo tshi khou Ძoda mbebo. Tshivhidzo tsha Mudzimu a tshi khou Ძoda u xwayeledziwa; tshi khou Ძoda tshandukiso. Izwo ndi zwone. Zwenezwo u sokou dzhia tshivhidzo tsha kale nahone wa vheya, wa ri, “Zwo luga, ndi a ni vhudza, ri do shandukisa bodo ya madikoni. Ri do shandukisa vhafunzi.”

Hezwo a si zwine tshivhidzo tsha khou Ძoda. Tshi khou Ძoda ndovhedzo ya Muya Mukhethwa. Tshi khou Ძoda maanda a Mudzimu a tshilaho.

Mvuseledzo a zwi ambi u ya nn̄da huno na wana mirađo miswa, mvuseledzo zwi amba, “u vuseledza hezwo zwine no no vha nazwo.”

⁴⁶ Hafha hu si kale, tshenzhemo tsha vhudi hani tshe nda vha natsho tsha zwiña ngei Chicago. Ndo vha ndo ima nn̄da tsini na lihulu, Dzivha la Michigan, huno nda vhabona magabelo a tshi hasha mayani, huno bulo li tshi fhufha, huno oo, ndi tshifhinga-

de tshe la vha li natsho, li tshi dzinginyisa tshikwekwete tshi^luku u mona na u mona. Huno musi ndi tshi li lavhelesa, nda elekanya, "U khou takadzwa nga mini? Wo wana mvuseledzo." Fhedzi nda elekanya, "Ni a divha uri mini? Li nga vha u tshi khou thamuwa nahone li tshi isa phanda heneffo, fhedzi a li na liⁿwe shotha la madi li daho khalo, u fana na musi lo dzika. Izwo ndi zwone; madi mathihi, fhedzi lo wana mvuseledzo."

⁴⁷ Zwino, mvuseledzo i dzhia mini? I dzhia u da ha maya, wa thoma u vhudzula. Hezwo ndi zwine tshivhidzo tsha khou ^loda: ndi muⁿwe wa hoyu Muya we wa wa nga Duvha la Pentekoste, u vhudzulele fhasi nahone u tshi vuseledze; hu si Mubaphuthisi muswa, hu si Mumethodisi muswa, fhedzi mvuseledzo kha Vhabaphuthisi na Vhamethodisi. Huno uho u raha-raha ha madi hu ita mini nnda afho? Ndi—ndi u itela ndivho. Hu ^lanzwa tshika dzo^lthe u bva madini u ya kha khunzikunzi. Hezwo ndi zwine mvuseledzo ya ita, i raha dziphambano dzo^lthe u bva kha riⁿe, arali ra tendela Muya Mukhethwa wa ita zwa u rwa. Huno zwenezwo i ita phambano yo raloho, ya i ^lanzwa, ya kunakisa madi, zwenezwo.

⁴⁸ Zwino, ni nga si sokou vha na tshifhinga tsha u hwaya-hwaya tshivhidzoni sa mvuseledzo. Huno ndi a fulufhela uri murahu ha uno muⁿtangano, uri hu do vha na dzimvuseledzo ho^lthe ho^lthe u mona na dorobo; ndi a ralo, na shango lo^lthe. Ndi elekanya uri ndi tshifhinga tsha mvuseledzo. Huno heyi mvuseledzo ine ra khou amba nga hayo i tea u da i tshi bva Tadulu. I nga si de nga muthu. A yo ngo bebwa nga muthu. Yo bebwa nga Mudzimu, huno i teya u da u bva ha Mudzimu. Huno ni nga si vheye heyi mvuseledzo kha thiolodzhi ya kale na i vanganya. Yesu o amba hezwi kha Luka Mukhethwa: "Ni nga si vheye veini ntswa kha mabodelo a kale."

⁴⁹ Ndo vha ndi tshi vhila^la uri ndi ngani izwo zwo ambiwa, ndi ngani ni nga si vheye veini ntswa kha mabodelo a kale? Nda swika kha u wanulusa uri . . . nda ri, "Thetshelesani hafha, ri na jege ya ngilasi, kana bo^ldelo, ndi ngani ndi nga si vheye veini ntswa ngomu afho sa zwine ndi nga ita veini ya kale."

⁵⁰ Fhedzi nda wanulusa uri murahu maⁿuvhani e Yesu a vha a tshi khou amba ngao, bo^ldelo lo vha li so ngo itwa nga ngilasi. Vho vha vha si na zwivhumbi zwa ngilasi ala maⁿuvha. Huno o vha o itwa nga mukumba wa phukha. Huno mukumba wa phukha wo shanduka nahone wa saiwa, kana, u vhofhwa, huno vha vheya yone—yone veini, madi, tshiludi kha bo^ldelo la mukumba. Huno zwenezwo murahu ha musi ilo bo^ldelo li tshi vha la kale, u swika li . . . li si na veini khalo kana tshinwe tshithu, li ya oma. Mapfura a mukumba wa phukha o li tutshela. Huno zwenezwo la oma nahone la dzingindela.

⁵¹ Huno nda vhona zwe Yesu a vha a tshi khou amba, zwenezwo: arali na vheye veini ntswa, veini i so ngo vhilaho, kha bo^ldelo li

ngaho ilo, huno iyo veini ntswa i na vhutshilo khayo, nahone i mbo thoma u shuma na u vhila, i nga thuthubisa bodelo. Huno heyo ndi yone ndila ine na dzhia ndovhedzo ya Muya Mukhethwa na i vheya kha wa kale, wo omaho, mukumba zwawo, u do thuthuba zwavhukuma sa vhunga shango li hone. Ni nga si vhe nawo sa hezwo.

⁵² Ni lingedza u dzhia ndovhedzo ya Muya Muhehwa nga tshenzhemo tsha kale tsha tshiñwe tshi lapfu, tshenzhemo ya tshivhidzo tsho omaho, tshi do thuthuba zwavhukuma sa vhunga shango li hone. “Fhedzi veini ntswa,” Yesu o ralo, “i ya kha bodelo liswa.” Bodelo liswa li vha li tshe na mapfura a phukha kha lukanda, nahone lu vha lu lutete. Heyo ndi yone ndila ine tshivhidzo tsha Mudzimu tsha tea u vha ngayo u itela mvuseledzo: tshitete.

⁵³ Ni a divha, ni nga vheya Veini ntswa, ine ya imela Ipfi, vheyani Veini ntswa kha bodelo la kale, huno ni do vhala Ipfi, huno La ri, “Yesu ha shanduki mulovha, namusi, na lini na lini.”

Bodelo la kale li do ralo, “Poof!” la thuthuba: “A thi zwi tendi.”

“Ndovhedzo ya Muya Mukhethwa i hone namusi sa vhunga yo vhuya ya vha hone”: “Poof! A thi zwi tendi.”

⁵⁴ Huno ni ita mini? Ni tshinya zweathe bodelo na veini. Ni khou posa malungu phanda ha nguluvhe. Mulaedza wanu wo ya kha u vha zwipiða, nahone a hu na na muthihi wa u u tanganedza, vha sokou thuthuba nahone vha...ndi zwezwo fhedzi zwi re hone khazwo. Fhedzi ni wana mabodelo maswa huno na vheya Veini ntswa ya Muya Mukhethwa khao, huno Ipfi li ri... Li khou tshila mbiluni, huno Li ri, “Yesu Kristo, a sa shanduki mulovha, na lini na lini.” Veini i ri, “Yesu ha shanduki mulovha, namusi, na lini na lini.”

Bodelo liswa li ri, “Amen!” la tatamuwa.

⁵⁵ La ri, “Yesu Kristo o didelwa u pfuka hashu, a pwashekanyelwa milandu yashu, nga ntho Dzawe ro fhodzwa, a zwi shanduki mulovha, namusi na lini na lini.”

Bodelo liswa li ri, “Amen!” Li tanðavhuwa na vhutshilo vhuswa. Zweathe zwi a farwa nahone zwa vhulungwa. Ngauralo ni nga si vheye veini ntswa kha mabodelo a kale.

⁵⁶ Nga Duvha la Pentekoste, Mudzimu o vha a na vha dana na fumbili, maswa-maswa, mabodelo a Pentekostala o dzula o imisa mitsinga yao. Huno musi Muya Mukhethwa u tshi wa u bva Taðulu, Wa dadza ayo mabodelo, huno a thamuwa hothe hothe, a tshi rera Mafhungo madifha kha shango li divheyaho, a tshi khwathisedza uri Yesu Kristo o vha a sa shanduki mulovha, namusi, na lini na lini. Zwi dzhieleni nzhele.

⁵⁷ Hafha tshiñwe tshifhinga tsho fhiraho ndo vha na tshenzhemo. Ndo vha ndi nthia madakani a devhula, kule ngei

British Columbia. Huno nda vha na miñwe miñgano n̄tha henengei vhukati ha Maindia na vhathu kha liya shango. Huno muñwe wa vhanna ane a divha uri ndi a funa u zwima nga maanda, a ri, “Billy, u takalela hani u fara lwendo lwa u zwima n̄tha ngei dzithavhani nga murahu ha miñgano?”

Nda ri, “A hu na tshiñwe tshithu tsha khwiñe.”

⁵⁸ Ngauralo ro vha ri na bere dza fumbili-nthihi, huno ro hwalela, nahone ro vha ri kha maela dza mañana a na fumbili u bva ḥodzini ya n̄dila na u yela kha maela dza mañana mavhili kha muelo, ri na bere dza fumbili-nthihi, ro humela u zwima mbudzi dza thavha.

⁵⁹ Huno ndi a elelwa linwe ḫuvha...ndi tou funa nn̄da; ndi hone heneho hune na wana Mudzimu, arali na nga tou pfesesana na mupo, ni nga Mu vhona. Huno ndo vha ndi tshi khou tevhelela tshivhingwi tsha maveve a girei. Ndo vha ndi sa tshi ḥodi, ngauri ndo vha ndi si na tshelede, yo edanaho, ya u renga thege ya u tshi dzhiya. Fhedzi ndo vha ndi tshi khou tou ḥoda u tshi lavhelesa. Huno nda tshi pandamedza u bva kha tshikwara u ya kha tshikwara nga bere yanga ḥukhu. Huno ndo vha ndi na thaidzo nn̄zhi na bere yanga ḥukhu; yo vha i tshe na miñwaha miraru fhedzi, nahone yo vha yo divhudza u nngwisa. Huno zworalo, yo vha i tshi ita i tshi ima huno ya sedza uri i nga sumbedza musumbedzo u takadzaho hani nga hazwo. Hungo ngauralo ri do mona na zwiñaka.

⁶⁰ Huno n̄ne ndi do i vhelesa n̄tha n̄tha ha tshikwara. Huno mafheéloni, nda rembuluswa. Nda elekanya, “Zwino, vhubvaduvha na vhukovhela ndi vhufhio?” Ngauralo nda elekanya, “Zwino, imani. A u ḥodi u rembuluswa n̄tha hafha.” Ngauri ni nga tshimbila lwendo lu lapfu ni sa wani tshithu. Nga tshihadu, murei u ya luthihi nga nwaha kha gwada musi a tshi swika mulamboni, u vhidzwaho East Pines River.

⁶¹ Zwo ralo nda elekanya, “Zwino, ndo da nga ifhio ndila?” nda elekanya, “Arali nda gonya kha thavha ya n̄tha...” Huno i do vha i tshi khou na, khuli ḥukhu muedzini. Ngauralo nda elekanya, “Khañwe ndi nga wana sia.”

⁶² N̄tha n̄dilani ya u gonya, nda wana sia ḫanga, fhedzi nda zwi vhona uri ndi khou tea u rembuluwa nahone nda ṭuwa nga iñwe n̄dila. Ndo vha ndo no lengesa kha u swikelela. Huno nda elekanya, “Murena...” Ndi tshi khou enda heneho kha bere yanga nahone ndi tshi khou sokou renda Mudzimu nga u vha ndi ndothe, nda elekanya, “Oo, zwo naka u vha u woþhe maðakani.” Ndi sokou zwi funa. Huno zwi... .

⁶³ Madumbu o pfuka nahone nwedzi wo bva murahu ha musi ḫuvha lo kovhela. Huno nwedzi wo vha u tshi khou penya nahone ho vha hu na makole matshena, zwine nda zwi vhidza “lutombo lwa ḥada,” u tou fana na govho lihulu ḫa makole li tshi fhira. Huno musi ndi tshi khou enda ndi tshi ya; nda ima. Hu vhonala

sa vhunga tshiñwe tshithu tsho vha tshi tshi khou n̄tuwedza uri ndi ime. Ngauralo nda ima nahone nda hunga bere yanga ḥukhu, ngauri yo vha i tshi khou enda zwavhudí. Huno nda gonya kha tanda nahone nda dzula phasi.

⁶⁴ Huno nda lavhelesa n̄tha kha lutombo, nda ri, “O Murena Yehova, Vha muhulu nahone vha wavhudí nga maanda. Ndi Vha funa hani.” Huno nda thoma u pfa phosho i so ngo ḫoweleyaho, ndo neta zwavhukuma. Huno ndi phosho ya u lila, tshiñwe tshithu tshine tsha do ni ita uri ni pfe ni, vhunga ri tshi do ri nga kuambele kwa tshiṭaraṭai, u dipfa ni na mazhuluzhulu.

⁶⁵ Huno nda lavhelesa u mona, huno ndo vha ndi tsini na ho fhiswaho ha kale. A thi divhi arali ni tshi divha uri ho fhiswaho ha kale ndi mini kana hai. Ndi he mulilō wa fhisa n̄waha wo fhiraho nahone wa fhisa makwati othe u bva kha miri, nahone yo sokou ima heneffho. Huno musi ilo ḫuvha, kana, n̄wedzi, khaṇwe, u tshi bva murahu ha makole, huno kha ho ho u swifhala, pala tshena, dzo imela n̄tha, miri, zwi vhonala sa tshalo. Huno muya u tshi khou vhudzula, musi makole a tshi khou fhira nga u ṭavhanya, zwa tendela muungo wa tshililo: “Ooo!”

⁶⁶ Nda elekanya, “O Mudzimu, ndi nga mini Who mmbeya fhethu ho raliho? Hafha ndi fhethu hu shushaho hune nda nga vha hone.” Huno nda lavhelesa u mona, huno u ongolela hothe na u gomela he nda vhuya nda hu pfa: u tzhemelela, u ongolela. Mimuya ya vhudzula na iyo miri ya ongolela muyani, nda ri, “Murena, ndo dzulela u zwi divha uri Vha tshila ḫakani, fhedzi ndi nga mini ndo kungea uri ndi ime afha fhethu? ngauri hafha hu vhonala sa fhethu hu shushaho.”

⁶⁷ Huno nda dzula heneffho, ha ḫa Luṇwalo muhumbuloni wanga, huno holwo lwo vha lu kha Yoele. Lu ri, “Zwe zwa siiwa nga tshiyhungu, zwo liwa nga zwikhokhonono; nahone zwe tshikhokhonono tsha sia, zwo liwa nga nzie.” U tsa phasi, zwikhokhonono zwo fhambanahō zwo ḫa vhutshilo hothe ha muri.

⁶⁸ Huno ndo elekanya, “Ee, izwo ndi zwone. Huno ndo ima afha tsini na iyo miri. Yo vhuya ya vha miri mihulu ye ya ima afha. Huno musi muya u tshi fhefhedla mađuvhani o fhiraho, yo fhefhedela murahu na phanda kha vhuimo vhuhulu ha vhuhosini; yo dzinginyea lwa vhuhosi musi mimuya i tshi i vhudzula, fhedzi oo, zwino ndi phambano-de.” Tshiñwe tshithu tsho itea. Oo ee, fhedzi yo vha i miri. Izwo ndi zwone. Fhedzi tshiñwe tshithu tsho itea. Lutsinga lwa u zuzea ha maṭari, lutsinga lwa vhutshilo ha muri wo fhiswa, lwo bviswa.

⁶⁹ Huno nda elekanya, “Zwo luga, izwi zwi amba mini?” Huno nda thoma u elekanya, zwenezwo, nga ha fhethu he nda vhuya nda vha hone, na vhathu vhe vha vha vha na...vhe nda vha pfa vha tshi hanedzana nahone vha tshi amba uri mađuvha a mađembe o fhira. Huno nda elekanya, “Izwo ndi zwone.

Hezwo zwi nga zwiñwe zwa izwi zwiñhulu, thawara dza n̄ha ha zwivhidzo dzine vha ima na madzina mahulu a vha tevhelaho, madzina a kale, ane, ‘Ro vhuya ra vha vho *nnyi-na-nnyi*; ro vha ri vho *nnyi-na-nnyi*.’’ Fhedzi Lutsinga lwa vhutshilo lwo tumulwa.

⁷⁰ Dzidinomineisheni, u bva tshifhinga tsha mbuedzedzo ya kale na vha wani wadzo, tshigwada tshiswa tsha vhadededzi tsho dzhena nahone tsha tumula Vhutshilo ha vhukuma ha Muya Mukhethwa. Huno vho vha vho itwa uri vha tshimbile nga muya u vhudzulaho u ngaho wo ñaho nga Ðuvha la Pentekostaña. Fhedzi zwino, musi Mudzimu a tshi isa phanda na u rumela muya Wawe, huno vha vhombela fhasi, tshithu tshi tshoþhe tshine vha nga kona u ita ndi u gomela: “Maðuvha a madembé o fhira. A hu na zwo raloho sa ndovhedzo ya Muya Mukhethwa. Hezwi zwithu zwoþhe zwo fhira.”

⁷¹ Fhetu hu ofhisaho hani hune u nga vha hone. Huno nda elekanya, “Oo hai, a zwi na thimathimo yo vha i miri; i na divhazwakale murahu hayo sa miri; fhedzi vhutshilo ho i tutshela.”

⁷² Huno heyo ndi yone thaidzo kha Vhapentekostaña, Phuresibatherieni, Methodisi, Baphuthisi, Nazaretha, Vhukhethwa ha Vhatsinda: zwivhungu zwa dinomineisheni zwo la Vhutshilo khayo, huno zwo no sokou vha zwiñhulu, zwa kale, thawara yo faho. Zwine ra khou ñoda ndi u unga ha muya wa maanda u vhudzulaho na Lutsinga luswa lwa vhutshilo lwa u ñanganedza; ndi zwone.

⁷³ Oo, ni so ngo mpfisa zwiñwe-vho. A thi khou haþula tshivhidzo kana tshiimiswa; ndi khou haþula u ñahela ha Kristo hafha fhetu. Huno tshithu tshi tshoþhe tshine tsha vha ita uri vha gomele na u ñuñuna musi Mudzimu a tshi ruma mvuseledzo ya Muya Mukhethwa shangoni ndi ngauri hu na thahelelo ya Vhutshilo vhutete khavho ya u zwi ñanganedza. Muya Mukhethwa wo tsa nga Ðuvha la Pentekoste, ngauri nnyi na nnyi ane a do tenda u ño U ñanganedza.

⁷⁴ Petro o ri, kha Mishumo 2:38, “Rembuluwani, vho inwi noþhe, nahone ni lovhedzwe nga Dzina la Yesu Kristo u itela u hangwelwa zwivhi zwanu, huno ni do ñanganedza tshifhiwa tsha Muya Mukhethwa. Ngauri pfulufhedziso i kha inwi, na kha vhana vha vho inwi, na vha re kule, na vhanzhi vhane Murena Mudzimu washu a ño vha vhidza.” Huno arali Mudzimu a tshi kha ñi vhidza, Muya Mukhethwa u kha ñi tsa. Zwi tea u ralo.

⁷⁵ Ngauralo musi ndo dzula kha u akhamala, ndi tshi lavhelesa, nda elekanya, “Zwo luga, ndi mini tsho vhangaho izwi? Ndi mini tsho dzhiaho vhutshilo? Zwe Vhalutere vha sia, Methodisi yo la; zwe Methodisi ya sia, Baphuthisi yo la; zwe Baphuthisi ya sia, Vhanazaretha vho la; zwe Vhanazaretha vha sia, Pentekostaña yo la.” Huno murathu, a ri na tshithu fhedzi dzina la tshivhidzo.

Huno nda elekanya, “Naa izwo a si tshinwe tshithu? Ngazwo hu na u edziselwa hunzhi ha Vhukriste; a si tshithu fhedzi u goda.”

⁷⁶ “A thi nga yi kha tshiila tshifhaṭo. Hai, ndi nga si shumisane na tshithu tsho raloho.” Um-hum. Thahelelo ya Vhutshilo, ndi zwezwo fhedzi, hu si ṭhahelelo ya tshivhidzo, ṭhahelelo ya Vhutshilo.

⁷⁷ Zwenezwo nda ri, mbiluni yanga, na Mudzimu, nda ri, “Ndi nga mini U tshi kha di rumela maya?” Zwenezwo muhumbulo wanga wa tsela Mañwaloni, lo vha lo no kovhelesa kha u vhala Thestamente yanga ṭhukhu tshikwamani tshanga. Fhedzi nda ri, “Ndi ngani U tshi rumela maya?” Huno muhumbulo wanga wa tsela fhasi, Mañwalo, fhedzi o amba nga fhasi hao, “Ndi do vhuedzedza, u ralo Murena. Zwoṭhe zwe tshivhungu tsha la, zwoṭhe zwe nzie dza la, Ndi do zwi vhuedzedza.”

⁷⁸ Huno zwenezwo kha u mangadzwa hanga, ndo lavhelesa kha u wa ha dzikhounu u bva kha miri na mbeu dzayo dzo fhambanaho, u tsela fhasi mavuni, hu si nt̄ha nt̄ha, nahone hu si khulu nga maanda, fhedzi ho vha hu na huñwe u mela u bva fhasi hune ha khou itea, miri miswa i tshi khou aluwa. Huno musi mimuya i tshi vhudzula, i sokou fhefheḍa, na u dzinginyea, na u thamuwa, na u dzinginyea, na u isa phanda. Nda ri, “Arali iyo i si mvuseledzo ya fesheni ya kale, a thi athu u vhona inwe. Havho ndi vhana vha Mudzimu vha tshi khou sokou pembela na u fhefheḍa kha phaṭhutshedzo dla Mudzimu musi dici tshi shelwa fhasi.”

⁷⁹ Zwo luga, Tshinwe tshithu tsha da kha nne, tsha ri, “Ndi midala. Ndi miṭuku nahone midala.” Ndi nga ḥamba nda vha muṭuku na u vha mudala, nahone nda vha mutete, nda wana vhuñwe vhutshilo, u fhira u vha wa kale, o omaho, nahone o lovahaho, huno ndi si na tshithu. Ngauralo na mulilo muṭuku wa daka, vhuimoni ha musi hu si na mulilo na luthihi.

⁸⁰ Huno musi maya u tshi fhefheḍa, ila miri miṭuku i fhefheḍa nahone ya tou vha na khulu, mvuseledzo ya Pentekostala ya fesheni ya kale. Huno nda elekanya, “Ndi nga mini U tshi ita izwo? Naa i nga si aluwe u fana na musi hu so ngo vha na u tsa ha iyi ndovhedzo khayo huno ya i dzinginyisa? Huno ya... Naa a si miri u fana?”

⁸¹ Fhedzi Tshinwe tshithu tsha ri kha nne mbiluni yanga, “Ee, fhedzi tshifhinga tshoṭhe Ndi tshi i dzinginyisa, Ndi ita uri midzi i litshedze uri i tsese fhasi.” Heyo ndi yone ndila ine mvuseledzo khulu ya itea ngayo doroboni.

⁸² Zwino, iyi mvuseledzo ntswa ya Pentekostala ndi mini? A si tshinwe tshithu fhedzi zwibveledzwa zwa muri wa kale. Henefho he muri wa kale wa fela hone, Mudzimu u na ndila ya u dovha u bveledza vhutshilo. U tou nga muri ri tshi aluwa huno ra lovha, Mudzimu u vusa muñwe muthu-vho nga riñe u tou nga

muri, mbeu, kana tshiñwe tshithu-vho. Ri dzhia Bivhili nthihi ine vha vhala.

⁸³ Mini-ha arali vhañwe vha vhoiñwi Vhamethodisi... khombo kha inwi, ndo vha ndi khou vhala dziñwe dza notsi dza John Wesley. Huno hune, musi a ngeno a na Asbury, huno o vha a tshi khou vhelesa bere yawe lñiñwe ñuvha, huno bere ya wa nahone ya ñivunda mulenzhe. Huno Wesley a dzula fhasi, huno a dzhia mapfura awe kha tshikwama tshawe, huno a ñolisa bere yawe nga mapfura, huno a i ñamela, nahone a ñuwa.

⁸⁴ Ndi nga mini ni sa dzheneleli kha mvuseledzo ya phodzo? Arali Mudzimu a tshi kona u fhodza bere, ngoho A nga fhodza muthu. Thaidzo ndi mini? Vhañku vha vhoiñwi, vhafunzi vha matsilu vho ni dadza nga tshiludi tshi vhulungaho, huno heyo ndi yone mbuno ni nga si tshire. Izwo ndi zwone.

⁸⁵ Vhabaphuthisi? John Smith o lila nahone a rabelela mvuseledzo u swika maño awe a tshi valea, u swika mufumakadzi wawe a tshi mu ranga u ya ñafulaní uri a le zwiliwa zwawe. A nga ri mini kha tshivhidzo tshashu tsha Baphuthisi tsha tshizwino arali a nga vuwa? John Smith a nga ri mini arali o vuwa a lavhelesa kha tshigwada tshashu tsha vhukhethwa? Musi vha... o rera mulaedza wawe wa u fhedza kha miñwaha i yelaho kha fumalo, ndi tenda yo vha yo ralo. Vho mu hwala vha mu isa kha phuluphithi, huno a si rere, une wa tou vha mupfufhi: awara nña. Huno inwi a ni koni u imela miniti dza fumbili. Hu tou vha hú si na Vhutshilo ha u ñanganedza Muya.

⁸⁶ Huno a ri, "Zwi kwasha mbilu yanga u vhona vhananyana vha Methodisi vha tshi ambara dzirinngi dza musuku miñweni yavho." A nga ri mini zwino musi vha tshi vho tou ambara zwipfufhi? Hezwo ndi ngoho. Huno zwi nga ni ita wavhudí na u lwala.

⁸⁷ Musi ndi tshe mutukana muñku, ro vha ri si na zwinzhi zwa u la, fhasi ngei dzithavhani. Mma vho vha vha tshi vhuya na makanda a ñama sa zwiliwa, huno vha a vheya kha khulu, pani ya vhurotho ya kale, vha a vhilisa, kana, vha a omisa, vha wana mapfura a u ita vhurotho ha gorou. Ro vha ri na ñawa ntswu na vhurotho ha gorou. Vhoiñwi vha devhula a ni ñivhi uri u la ndi zwa vhudi hani.

⁸⁸ Zwenezwo musi ni tshi ño... musi ri tshi wana izwo... Huno madekwana a Mugivhela muñwe na muñwe ri dzhia phaiphí khulu ya kale ya thanda, nahone gedela ya tie yo dzula kha tshiñfu. Huno muñwe a tshi ñamba, ni sokou engedza mañwe mañi, huno a no tevhela a ñamba, u swika vhana vhoñthe vha tshi ñamba, huno zwenezwo mapfura manzhi a mupfure a shelwa. Huno nda lwala nga mañda nga izwo; ndo vha ndi sa koni na u zwi fembedza, naho. Ndi nga si ñode muñwe wa vhana vhanga a tshi thetshela mapfura a mupfure.

Ndo vha ndi tshi ya kha mma, huno ndi tshi thivha ningoyanga, nahone nda lila. Ndo vha ndi tshi ri, "Mma, hezwi zwithu zwi ita uri ndi lwale nga maanda."

Vho vha vha tshi mbo di ri, "Fhedzi arali zwa sa ita uri u lwale, a zwi u thusi."

⁸⁹ Ngauralo khañwe ndi do shumisa izwo kha uno mulaedza. Khañwe zwi do bveledza zwiliwa, ndi khou amba lwa tshimuya, u itela u dzinginyiswa, u ita uri inwi ni ye kha u rabela murahu fhethu hune na tea u vha hone.

⁹⁰ Ee, lavhelesani mbekanyo ya Luñwalo. "Ndi do bvisa mbilu ya tombo, nahone ndi do ni fha mbilu ntswa." Heyo ndi mbekanyo ya u thoma. Vhañwe vhavho vha ima kha heyo mbekanyo ya u thoma. Zwino, hezwo ndi, ni khou u...ni kha di tou thoma. Zwenezwo O ri, "Ndi do ni fha muya muswa."

⁹¹ Hafho ndi hone hune vhusnzi ha vhoiñwi Vhapentekostala na kundelwa hone. Hum. Ni tea u vha na muya muswa. Oo, no dipfa zwavhudí nahone ni dipfa nga heyo ndila, "Oo, zwo luga, ndi tou vha, oo, ndi khou dipfa ndi wavhudí. Ndo—ndo—ndo tutshela dzema langa." Zwo luga, ndi hone no thoma. Ni kha di tou lugiswa zwino uri ni dzhene khazwo. Ni kha di tou dzhena ndilani. U tea U ni fha muya muswa. Ndi nga mini ni sa koni u dipfesesa nga muya wañu wa kale; ngauralo ni nga pfesesa hani Muya wa Mudzimu? Ngauralo U tea u ni ñea muya muswa.

⁹² Zwino, lavhelesani Bivhili. "Ndi do ni fha... u bvisa ya kale, u bvisela kule mbilu ya tombo, huno nda ni ñea mbilu ya ñama: mbilu thethe. Huno zwenezwo Ndi do ni fha muya muswa. Huno zwenezwo, Ndi do vheya Muya Wanga kha inwi."

⁹³ Zwino, lavhelesani. Muya Wawe wo fhambana na muya wañu muswa. Huno vhathu vhanzhi vha wana muya muswa nahone vha elekanya uri vho wana Muya Mukhethwa. Vha thoma u dipfa vho takala, huno vha thamuwa, huno khañwe vha ita zwithu zwiñuku zwa vhurereli. Huno vha elekanya uri vha na Muya Mukhethwa, zwo diralo. Oo, hai! Muya Mukhethwa u ni ita uri ni tshile zwo fhambanaho. Muya Mukhethwa u ni ita uri ni elekanye zwo fhambanaho. Muya Mukhethwa wo vhewa kokotolo vhukati ha muya wañu muswa. Huno muya wañu muswa wo vhewa kokotolo vhukati ha mbilu yañu ntswa. Mbilu ntswa, muya muswa, vhukati ha mbilu ntswa, nahone Mudzimu o ri, "Ndi do vheya Muya Wanga kha inwi."

⁹⁴ Zwo diralo, Muya wa Mudzimu wo dzula vhukati ha muya wañu, muya wañu muswa. Huno zwo ralo a ni tei u bva na tshila sa zwine vho Vhomme Jones vha ita kana sa zwine Vho. Jones vha ita. Hu tou vha na tshiñwe tshithu kha inwi; ni tou vha na lufuno lwa Mudzimu ngomu-ngomu hanu, u swika ni tshi sokou lu tshila. A hu tsha vha inwi; ndi Tshiñwe tshithu ngomu hanu.

⁹⁵ Vhathu vhanzhi vha lingedza u ambara tshifhañuwo tsha Mukriste kana u disumbedza sa Mukriste nga Swondaha.

Huno nga Musumbuluwo ni teya u vhona lushaka lwa tshifhaṭuwo tshine vha vha natsho. Fhedzi zwino, hezwo ndi u edzisela, zwine a si tshithu shangoni, kha bugu yanga, fhedzi mudziatshimbevha. Zwo tou ralo.

⁹⁶ Vhunga Congressman Upshaw, vhunga noṭhe ni tshi zwi divha, o fhodzwa kha miṭangano yanga murahu ha musi o holefhalalwa mihwaha ya furathi-rathi, o ri, “Ni nga si vhe tshiñwe tshithu tshine a ni tshone.”

⁹⁷ Huno hezwo ndi zwone. Ivhani zwine na vha zwone. Mudzimu o tendela dūvha, line, musi tshivhidzo tsha Vhakriste tsha do vha zwine tsha tea u vha zwone. Arali ni wa Kristo, tshilelani Kristo, ḡetshedzani zwoṭhe zwanu kha Kristo. Vulani mbilu yanu. Ni so ngo elekanya nga uri zwithu zwi re tsini na inwi zwi hanu. Elekanyani nga zwine Kristo a vha kha inwi na ngomu hanu.

⁹⁸ Hoyo muya muswa ngomu hanu, na Muya Mukhethwa wa Mudzimu wo dzula vhukati ha muya wanu muswa, zwi tou nga tshipiringi tshihulwane kha watshi i divheyaho. Musi tshone—tshone tshipiringi nga watshi i divheyaho tshi tshi thoma u rwa, tshi ita uri tshiimiswa tshiñwe na tshiñwe tsha watshi tshi shume nga ndila yone; ndi tshipiringi tshiswa, tshipiringi tshihulwane.

⁹⁹ Huno tshipiringi tshihulwane tsha Vhukriste ndi ndovhedzo ya Muya Mukhethwa; hu si thiolodzhi dzo itwaho nga muthu, hu si dzinwe dinomineisheni, fhedzi ndi ndovhedzo ya Muya Mukhethwa ine ya ita uri tshipida tshiñwe na tshiñwe Tshivhidzoni tshi shume u ya nga ndila kwatsho. Tshiñwe tshithu tsho khakheya, vharathu. Ndi zwone.

¹⁰⁰ Musi Muya Mukhethwa u tshi shuma, U vhusa Tshivhidzo Tshawe; thikhi ṭhukhu iñwe na iñwe i itea lu fanaho, nahome i rwa nga tshifhinga na Bivhili. Tshiñwe na tshiñwe tshi rwa u mona na Bivhili; hu si na ndavha zwine vhorathiolodzhi vha amba; Bivhili i ralo. I rwa na zwezwo, ngauri Ndi Muya Mukhethwa wo ንwalaho Bivhili, idani ni rwe Bivhili vhatshiloni hanu, u ya nga ndila Ye ya ንwaliwa ngayo. Oo, ndi a fulufhela ni a vhona izwo. Ni a zwi vhona?

¹⁰¹ Hu si ngauri ni dipfa khwiñe nga muya muswa, hu si ngauri no litsha vhudakwa hanu na zwinwe; hezwo zwoṭhe zwo luga, fhedzi yone... Hu si ngauri ni a thamuwa, kana u huwelela, kana u amba nga dzindimi, kana no vha murado wa tshivhidzo, kana ndila iñwe na iñwe ine na vha ngayo... zwithu zwa vhurereli zwe na ita, hezwo a zwi ambi tshithu. Yesu Kristo o ri, “Ni do vha divha nga mutshelo wavho.” Mutshelo wa Muya ndi lufuno, dakalo, matshilisano, u dzika, u lindela, u kondelela, lutendo, u ṭutshela, hezwi zwithu zwoṭhe zwine shango la khou ḥoda u vhona kha tshivhidzo tsha Vhakriste. Vha vheya tshikoupa tsha Bivhili ya Mudzimu kha Vhabaphuthisi,

Vhamethodisi, Pentakostała, Vhanazaretha, na u mona hothe. Vha khou lavhelesana na zwezwo.

¹⁰² Paulo o ri, "Naho nda amba nga dzindimi dza vhathu na dza Vharuňwa, naho nda ya nnđa nahone nda fhodza vhalwadze kana nda sundudza dzithavha na zwiňwe, huno ndi si na lufuno lwa u tikedza izwo, a thi tshithu." Muya Mukhethwa kha inwi u swaya vhutshilo hanu; zwenezwo dzhogo yanu ya thoma u leluwa.

"Oo," muňwe muthu u ri, "Mukomana Branham, arali nda nga tou kona u tshila hovho Vhutshilo."

"Oo, a ni teyi u whilaela nga hezwo, murathu. A si inwi, zwo diralo. Ndi Muya Mukhethwa ngomu hanu."

¹⁰³ Paulo o ri, "A si... Vhutshilo vhune nda vhutshila zwino, a si nne, fhedzi Kristo u tshila kha nne. Vhutshilo vhune nda vhu tshiła zwino..." Elelwani, o vhuya a vha muthu wa vhurereli. O vha o ralo; mutshuden. Huno o vha a muthu a divhaho Maňwalo. Huno o dzula phasi ha Gamaliele, muňwe wavho, muňwe... mudededzi a divheaho wa khwinesa wa liya duvha; khanwe iňwe seminari ya khwiňesa ya liya duvha. Fhedzi o ri o tea u hangwa zwe the zwo a vhuya a divha uri a wane Kristo, Muya Mukhethwa.

¹⁰⁴ Zwenezwo ni do ri, "Fhedzi mudzulatsini wanga u do ri kha nne, 'U muvhumbuluwi-mukhethwa.'" Oo, helo dzina li nengisaho le diabolo a li nambatedza kha Tshivhidzo tsha Mudzimu.

¹⁰⁵ Ndo alavha mađanzhe a sumbe, nga tshilidzi tsha Mudzimu, huno nda rera u mona na shango. Huno ndi kha milioni ya vhuvhili ya u rangela mimuya kha Kristo, nga tshilidzi tsha Mudzimu, huno a thi athu vhuya nda vhona vhavhumbuluwi-vhakhethwa. Kha vhurereli hothe ha shango a thi athu u vhuya nda vhona vhavhumbuluwi-vhakhethwa. Li tou vha dzina livhī le diabolo a li ūmetshedza kha mutendi.

Ni ri, "Mutendi? Ndi mutendi."

Zwo luga, ri do zwi wanulusa. O ri, "Hezwi zwiga zwi do tevhela avho vhané vha tenda." Zwi lavheleseni nga Ipfi.

¹⁰⁶ Zwino, dzhielani nzhele, ni nga si imele mutovholo. Zwino, thetshelesani, khonani, ni a zwi divha uri a tho ngo da fhano u ni vhaisa. Ndi fhano uri ndi ni fune. Ndi fhano uri ndi ni vhudze ngoho. Huno ndi a tenda uri ndi ngazwo Muya Mukhethwa wo tendela hezwi zwithu zwa itea kha miňangano. Heyo ndi mpho Khethwa, fhedzi hezwo a zwi... Hezwo zwi tou vha u khwathisedzwa ha tshiňwe tshithu.

¹⁰⁷ Thetshelesani, ndi fhano u ni thusa, hu si u ni vhaisa kana u swaswa nga vhoiňwi. Ndi nga si ite hezwo, na luthihi. Fhedzi ni tea u vha na vhutshilo vhuswa. Huno mbuno ya uri ni wane vhathu vhané vha da kha aleťare nahone na vha vhona kha...

ndi do dzhia tshivhidzo tshanga, tshivhidzo tsha Baphuthisi. Vha bvelela, vha dibula, huno zwenezwo vha lovhedzwa, huno na vha vhona kha dzivhege dici si gathi kha tshika nthihi ya kale.

¹⁰⁸ Billy Granham, mudivhaleya, u divhiwa shango lothe; ndila dzashu dzo ḥangana zwifhinga zwinzhi, seli ha madanzhe. Hu si kale ngei Zurich, Switzerland, o fhedza tshiṭediamu nga masiari a Mugivhela, nda thoma nga matsheloni a Swondaha. Dembe zwało la ḫuvha, munna wa u luga, Mukriste wa vhukuma, huno ndi a funa uyo munna nahone ndi a mu rabelela, ngauri ha vhonali kha nne sa rathiołodzhi o hanganeaho ane a divha zweithe. Huno, fhedzi u a fulufhedzea na u ima kha Ipfi, u ya nga hune a tendelwa u rera.

¹⁰⁹ Zwino, ndo mu dzhieila nzhele mushumoni wawe, huno a si kale ndo vha na tshikhala tsha u amba nae. Huno ndo vha ndi kha muṭangano we nda pfa a tshi amba mafhungo a ngaho haya (Hovha hu kha vhuragane, ho vha hu heneffo, ngei Louisville, Kentucky, miñwedzi mituku yo fhiraho.): Huno tshińwe tshithu nga hazwo, o ri, “Bivhili ndi tshikalo tsha Mudzimu.” Oo, ndi ngoho hani. A ri, “Fhedzi ndi ya doroboni.” Huno a ri, “A hu na na muthihi shangoni, ane a divha khwine u fhira nne, uri a thi mureri wa u kombetshedza.” A ri, “Fhedzi Mudzimu o mmbidzela u ita hoyu mushumo, nahone ndi khou lingedza u u ita u ya nga hune nda divha, u itela Mudzimu.” Ndi zwavhuđi; Mudzimu a nga vusa muthu a ngaho hoyo, nahone a dzula nga u diṭukufhadza.

¹¹⁰ Fhedzi a ri, “Fhedzi ndi dzhena ngomu, huno, a ri, ho vha hu na vhanzhi vho shandukaho, vho shandukaho vha zwigidi zwa sumi nga muṭangano wa vhege dza rathi.” Huno a ri, “Ndi humela murahu ho no fhela ḥwaha kana mivhili, huno a thi wani muthihi kha vha sumi wavho.”

¹¹¹ Oo, ndi tama hani uri ndi nga tou amba tshińwe tshithu. Fhedzi hoyu muthu u khou shumisa vhutshilo hawe u itela Mudzimu. U vhaisa vhathu, gai, vha nga vhuye vha da u thetshesela nne.

¹¹² Fhedzi mbuno ndi heyi. Ndi zwi wana kha muṭangano wanga. Oral Roberts u vha wana kha muṭangano wawa. Huno ri do vha wana hoṭhe hoṭhe. Fhedzi hafha ndi hune zwa vha wanala hone: Vha tou vha vha zwipfi. Huno a vha swiki kha u shandukiswa. A vha swiki kha u vha mutendi, n̄tha ha mutheo wa Ipfi. Vha tou ita murotholo, u bula zwo rekanywaho, nahone ndi heneo magumo azwo.

Huno mutovholo muṭuku wa u tou thoma u a bvelela huno vha ri, “Yohane, hu khou itea mini nga fola?”

“Zwo luga, Ohoo.”

“Ndo pfa hu tshi pfi wo vha u muṭanganoni wa Billy Granham.”

“Zwo luga, mufumakadzi, ndi nga si tsha zwi kondelela. U nngwanelei John Ruskin dzanga.” Ni a zwi vhona? Ni a vhona?

“Liddy, ho itea mini kha uho u dipopona? Ndi khou zwi vhona u khou tendela mavhudzi au a tshi aluwa. Ndo zwi pfa uri wo vha u kha iñwe ya dzikhunguwedzo ya Branham.”

“Zwo luga, ndi nga si wele kha heyi kiłabu huno nda tshila nga mulalo. Ndi do tou dzhia zwithu zwanga huno nda shula tshifhañuwo tshanga.”

¹¹³ Itani nga u ralo, hu tou vha na musadzi muthihi kha Bivhili we a vhuya a popona tshifhañuwo tshawe u itela u ḥangana na vhanna, nahone Mudzimu a mu kumedza kha dzimmbwa. Izwo ndi zwone. Arali ni tshi khou ḥoda u vha ḥama ya mmbwa kha Mudzimu, itani nga u ralo.

¹¹⁴ Fhedzi zwino lwa miniti. Thetshelesani, ndi khou ni ḥoda ni tshi pfa tshiñwe tshithu. Ho itea mini? A vho ngó ya phanda lwo edanaho. Vha nga vha vho sokou ralo, vho wana kupfesesele kuswa kwa Kristo. Fhedzi lavhelesani, musi ni tshi wana mbilu ntswa, myua muswa, nahone zwenezwo Mudzimu a vheya Muya Mukhethwa, Muya Wawe heneffo kha myua muswa, tshifhambano tshi thoma u elwa nga mathenga. A tshi tsha hwasa hafhu.

¹¹⁵ Vha nga amba nga ha inwi tshiñwe na tshiñwe tshire vha ḥoda u amba. A zwi nga ni thithisi. Nga mini, nñe-nñe, mathupho ane shango ḥa ni posa one, ndi ngani ni tshi vhonala no khwātha zwavhukuma kha Muya musi uyo myua muswa u kha inwi, nahone Muya Mukhethwa u tshi khou tshimbida vhutshilo hanu u livhana na Tađulu na Ipfī ḥa Mudzimu. Ndi nga mini, ni tou nga Simisoni. Ni dzhia magethe matswku a Gaza, na a hwala na ya kha tshiñwe tshikwara tsha Khalivari, na rabelela uyo muthu. Zwo tou ralo. Tshifhambano tshi na phapha. Tshi tou tshimbila zwa vhudi.

¹¹⁶ Huno heyo ndi yone mbuno ya uri muthuthubo mułuku u vha vhudzule. Heyo ndi yone mbuno ri tshi dzhiya mirado ya zwigidi nga ḥwaha huno myua wa vha vhudzula. Mutovholo wa u tou thoma mułuku, a vha koni u u imela. Fhethu hu kondāho ha u thoma hu tshi bvelela, hu ya vhaisa, tshifhambano, zwenezwo vha tshi posa kule. A ni athu u wana. Ni a vhona? Mudzimu u vhetshedzela tshifhambano u itela inwi. “Hwalani dzhogo Yanga, nahone ndi gude nga ha Nñe. Dzhogo Yanga i a leluwa.” Yo tou ralo.

¹¹⁷ Arali na tou itwa kha zwivhumbwa zwa Mudzimu. Zwivhumbwa Zwawe, zwino, a si u thetshelesa dziñwe thiolodzhi kana nganea dza muhumbulo, fhedzi wanani ndovhedzo ya Muya Mukhethwa. Zwenezwo zwi a thoma, zwivhumbwa zwi a thoma u ni tshimbida, hu si inwi ni tshi tshimbida tshone na u tshi vhudza, “Ndi ngani afha zwi nga ndila ine nda elekanya uri zwi tea u vha ngayo.”

¹¹⁸ Mudzimu o amba uri heyi ndi yone ndila ine zwa tea u vha ngayo. Ngauralo Muya Mukhethwa u sokou tshimbila kha Ipfi. Huno inwi na sokou tshimbila nawo. Zwi leluwa zwavhukuma musi ni tshi ita izwo. “Mbilis ntswa Ndi do vha neya.”

¹¹⁹ Zwino, divhofheni lu leluwaho. Mudzimu o toda u sumbedza, kha vhafunziwa na kha shango, maanda Awe. Ngauralo musi Kristo . . . Kha ri lavhelese kha maanda a Mudzimu ane o tewa nga u vha tshivhidzoni; zwine nga Muya muthihi rothe ro lovhedzelwa kha Muvhili muthihi. Huno hoyo Muvhili ndi Muvhili wa Kristo. Hu si na ndavha uri dinomineisheni yanu, ndi Muvhili wa Kristo nga ndovhedzo ya Muya Mukhethwa. Ni a tenda izwo? Ndi yone ndila i yothe ine ni nga ralo.

¹²⁰ Mudzimu u khou toda u sumbedza shango muwo ya Kristo. O edela heneffo tshaloni. O fhumula; muvhili Wawe ndi mutshena-tshena. Huno nga matsheloni a Paseka ri Mu pfa a tshi tzhemelela, “Maanda othe o netshedzwa tshandani Tshanga! Vhothe vha vhidzwa u thetshesela!” Huno ri vhona mururo u tshi fhelelwa nga maanda awo, vhunga ri tshi vhona tshedza tshi tshi bvelela vhukati ha milenzhe Yawe na lifhasi. Ndi nga mini? Ndi Ene vhukati ha mururo. Huno A takutshela nthia, nthia, nthia. Ndi maanda a Mudzimu a Mu takulelaho nthia, u ri sumbedza, uri, zwine Tshivhidzo tsha do ita linwe duvha, ngauri riñe, nga u vha vho faho, ri kha Kristo, ri tshipida tsha Muvhili Wawe na vhunga Mudzimu o vusa Kristo, U do vusa Tshivhidzo Tshawe. Huno ni nao ngomu hanu zwino, ala a tshilaho, maanda maswa. Oo, ndi zwa vhudi hani!

Ndi khou toda ni tshi dzhiela nzhele, hafhu, uri Mudzimu u zwi ita hani. O ri, “Muya Wanga Ndi do u vheya kha maya wanu, maya wanu muswa.”

Ndi khou toda u ni vhudzisa tshiñwe tshithu. Ri humbulela zwinzhi zwa uno muvhili washu. Oo, u tou vha tshithu tshihulu hani.

¹²¹ Hu si kale ndo vha ndo ima phasi ngei Nashville, Tennessee, muziamu. Huno ndo vha ndi tshi khou lavhelesa zwiñwe zwithu zwo fhambanaho. Ndi a funa vhutsila. Mudzmu u kha vhutsila. Mudzimu u kha muzika. Huno ndo vha ndi tshi khou lavhelesa vhutsila, huno nda vhona vhanna vhavhili vhatuku vho ima heneffo, nahone ho vha hu tshi khou netshedzwa nyandadzo ya mutengo wa muvhili wa muthu a lemelaho dziphaundu dza dana fuñhanu. Ni a divha uri ni dura vhugai? Sente dza fumalo-inä, izwo ndi zwone. Huno vhunga ndo amba ano matsheloni, ni do ambara muñadzi wa dolara dza fumbili-ñhanu kha sente dza fumalo-inä, u itela u tsireledza; dzhasi la dolara dza madana mañanu kha sente dza fumalo-inä, u itela u tsireledza. Zwo tou ralo.

¹²² Oo, arali na nga vhona buvhi kha sobo yanu, ni nga hañula helo vhengele la zwiliwa na dzula kha Dzangano la

zwa Makwevho, nahone ni nga zwi nwala kha bammbiri. Zwo tou ralo, ni khou lavhelesa hedzo sente dza fumalo-inā; fhedzi litshani diabolo a dadze tshiñwe na tshiñwe tshire a ūoda fhasi muyani wañu, une wa ñura mashango a zwigidi zwa fumi.

¹²³ Huno musi havha vhanna vhavhili vhañuku vho ima heneffho, vha tshi khou lavhelesa... Ni na madi a u dodza o edanaho u shasha tshitumba tsha khuhu, na zwiñwe zwiñuku, khalishiamu i kha inwi, na zwiñwe. Muñwe a lavhelesa muñwe, huno a ri, "John, a ri vhuyi ra ñura kani a zwi ngo ralo?"

¹²⁴ Ndo elekanya uri ndi do ima, nda vheya tshanda tshanga khae. Nda ri, "Fhedzi munna muñuku, ni na muya ngomu hanu u ñuraho mashango a zwigidi zwa fumi, we Yesu Kristo a fela u regulula." Zwo tou ralo.

¹²⁵ Ndo mangadzwa tshiñwe tshifhinga haffa Illinois, ndi tshi khou fhira nga huñwe fhethu huñuku, huno ho vha hu na wone—wone muziamu. Ndo vha ndi tshi khou lavhelesa khawo. Nda vhona mukalaha wa mukhaladi. O vha a tshi tou vha na tshidzhumba tsha mavhudzi tshiñuku. O vha a tshi khou tshimbila tshimbila heneffha fhethu, a tshi lavhelesa u mona. Huno a ima nga tshihadu; maño awe a lavhelesa hafhu, huno a thoma u lila. A lila lwa tshikhalyana. Zwenezwo nda mu vhona a tshi kotamisa ñoho yawe nahone a thoma u ñetshedza thabelo. Nda mu lavhelesa lwa tshikhalyana, nda elekanya, "Ndi mini tsho tshenusaho mukalaha? Zwo luga, ndi a tenda uri ndi do wanulusa."

A lavhelesa hafhu, huno a fhuluña maño awe. O kalaha, mukalaha wa vhukuma. Nda ri, "Hu ita hani, malume?"

A lavhelesa, a ri, "Hu ita hani?"

Nda ri, "Ndi mushumeli wa Mafhungo mañifha, nahone ndi tama u u vhudzisa mbudziso. Ndo u vhona u tshi khou rabela. Ndi ngani wo vha u tshi khou rabela?"

A ri, "Ida hafha." Nda sendela huno nda lavhelesa. A ri, "Lavhelesa afho."

Nda ri, "Ndi mini izwo? Ndi tshimbaro."

¹²⁶ A ri, "Fhedzi dondo li re afho ndi malofha a Abraham Lincoln." A ri, "Munna wa mutshena, hu kha di vha na luswayo khunduni dzanga he bannda la phuli la vhuya la dzula hone tshiñwe tshifhinga." A ri, "Hayo malofha o bvisa heliya bannda la phuli kha nn̄e. Naa zwi nga u takadza?"

¹²⁷ Arali izwo zwi tshi nga takadza munna wa mukhaladi nga u bvisa bannda la phuli, Malofha a Yesu Kristo a teya u ita mini kha mutendi? Musi ni tshi kona u fhira tshipotoni, holo ya u gembula, na zwithu zwa shango, na divha uri no vhofholowa, mbilu yañu i tshi rwa mutualani na Ipfi la Mudzimu, ni tshi ñivha uri liñwe ñuvha ni khou ya Hayani. Naa zwi nga si ni takadze? Ndi tshithu tshi takadzaho.

¹²⁸ Ndi a mangala tshiñwe tshifhinga . . . musi ndi tshi fhira nga thungo ya tshipembe. Ndo pfa nga ha tshiñori tshe nda tshi vhudzwa. Mađuvhani e vha vha vha tshi khou renga idzo phuli, ho vha hu na murengi we a vha a tshi ya nahone a renga avho vhanna, sa vhunga ni tshi renga mođoro wo no shumaho nga maanda ñamusi; vhathu. Huno o vha a tshi renga tshigwada hafha, nahone a renga tshigwada hafho. Ngauralo o fhira nga kha tsimu khulu ye ha vha hu na phuli nnzhi. Huno o vha a tshi khou ṭoda u renga tshigwada.

¹²⁹ Huno a wanulusa uri ho vha hu na munna muswa benefho we a vha o fhambana na vhañwe vhanna. Zwino, vho vha vha kule na hayani. Ndo rera khavho ngei Afurika. Huno ndi a ðivha dzema ñavho na zwiñwe. Huno vho vha vha . . . Ene—ene Mudutch o ya benefho, huno a vha wana, a vha bvisela hafha, huno a vha rengisa sa dziphuli. Huno vho vha vha kule na hayani; vho vha vho lozwa fulufhelo. Vho vha vha na zwithu zwinzhi, na haya, na vhafuñwa vhavho. Vho vha vha nga si tsha ya hayani hafhu. Vho vha vha phuli. Vho vha vho bva shangoni ñavho. Huno vho—vho vha vha si na ñuñthuwedzo ya u shuma kana tshiñwe tshithu, nahone vho vha vha tshi dzhia mboma vha vha rwa. Huno vho vha vha tshi vhidzelela, “Kokodzani.”

¹³⁰ Huno ñiñwe duvha, hoyu murengi a vhona munna muswa wa u luga o imisa khana yawe, thoho yawe yo imela n̄tha. No vha ni sa teyi u mu rwa. O vha o ñilugisela. Tshifhinga tshothe hu tshi teya u itwa tshiñwe tshithu, u ya tshi ita. [Mukomaná Branham u khotha miñwe yawe—Mudz.]

Huno hoyu murengi wa phuli a ri, “Ndi khou ṭoda u mu renga.”

Huno mulanguli a ri, “Ha rengiswi.”

A ri, “Ndi mini tshi no mu ita uri a ñivhuluwe-nahone-a ñivhudze-khazwo?” A ri, “Naa u tou vha vhasa n̄tha ha vhañwe?”

A ri, “Hai, u ñi tou vha phuli.”

A ri, “Naa u ya mu kanzwa lwa khwiñe u fhira zwine wa ita vhañwe?”

A ri, “Hai, u ñela kha tshikwekwete na vhañwe vhothe.”

¹³¹ “Zwenezwo ndi tshini tshine tsha mu ita uri a vhe o fhambanaho nga maanda nahone a ñivhudze? Mafulofulo awe a vhonala a mahulu zwavhukuma, mafulofulo awe.” A ri, “Ndi tshini tshine tsha mu ita uri a vhe o fhambanaho nga maanda na vhañwe?”

¹³² A ri, “Ñe a thi ñivhi, u swika ndi tshi wanulusa uri khotsi awe ndi khosi ya lushaka. Huno naho a mutsinda kha ñiñwe shango, u ya zwi ñivha uri khotsi awe ndi khosi. Huno u tshila sa zwezwo nahone a ñifara sa murwa wa khosi.”

¹³³ Mukriste u teya u ita mini arali zwo ralo? Ri vhafhiri na vhatsinda, fhedzi Khotsi ashu ndi Khosi. Ri teya u difara na u tshila hani kha lino shango? Hu si unga lino shango, hu si u kokodzwa-kokodzwa, nahone ra saina thikhithi ya uri ri do da tshivhidzoni, na—na uri ri do lingedza u ita hezwi u ya nga hune ra kona, nahone ri do ya kha muṭangano u tevhelaho wa thabelo.

¹³⁴ Mukomana, khaladzi, ri teya u difara sa vharwa na vhananyana vha Mudzimu. A ri teyi u huma musi diabolo a tshi lingedza uri dodza nndani ha Ipfi la Mudzimu. Heļo ndi Ipfi la Khotsi ashu. Kha ri ime Ngalo u swika ri tshi lovha. Ee, muňe wanga. Difareni.

¹³⁵ Naho ri kha liňwe shango, khanwe kha liňwe linnda, ni nga vha ni kha liňwe shango line la vha kule, ene—ene mutsinda. Fhedzi a zwi iti phambano uri ndi vhukule ha hani, uri ni kha thaidzo nngafhani, Mudzimu u kha di vha Khotsi anu. Haļeluya! No bva gai?

¹³⁶ Murahu-rahu u rangani musi Mudzimu a tshi rumela Logos, ye ya vha i Murwa wa Mudzimu u bva marumbini a Khotsi, A thoma u alamela lifhasi, Bivhili yo ralo.

¹³⁷ Ipfi u alamela ndi mini? Li amba mini? Vhunga “u lela,” vhunga khuhu, zwi alamelwa zwayo zwi vhidzwa khuhukwana, zwibveledzwa zwayo. Huno Muya Mukhethwa, vhunga wo vha wo ralo, na zwanda Zwawe, kana, phapha Dzawe dzi tshi alamela kha lifhasi lo omaho, hu sa athu u vha na vhutshilo. Huno musi A tshi thoma u alamela, mađi a thoma u fhandekana, shango la bvelela. Muvhili wanu wo vha wo dzula hafha kha lifhasi. No vhumbwa u bva kha dielemente dza fumirathi dza lino lifhasi. Muvhili wanu wo vha u fhano. Dzhielani nzhele, arali wo vha u siho, wo bva gai? Ni tshila nga zwithu zwo faho.

¹³⁸ Musi ni tshi la nama ya kholomo, kholomo yo fa. Arali na la vhurotho, gorou yo fa. Ni kona u tshila fhedzi nga zwithu zwo faho. Zwino, ndo vhudzisa dokotela hu si kale, nda ri, “Dokotela, ndi ngoho uri musi ndi tshi la, ndi vuseledza vhutshilo hanga?”

A ri, “Hezwo ndi ngoho.”

¹³⁹ Nda ri, “Zwenezwo, Dokotela, ndi nga mini musi ndi na miňwaha ya fumirathi, ndo la zwiliwa zwi fanaho na zwine nda la zwino, ndo vha ndi tshi khou aluwa na u vha wa maanda, musi vhutshilo hanga vhu tshi khou vuseledzwa, huno ndi la zwiliwa zwi fanaho zwino, huno ndi khou kalaha na u neta na u hwahwamala? Ntsumbedze nga tshisaintsi, uri, ndishi ya mutibo kheyi *afha* na khavho ya mađi *afha*, nahone ni khou shela mađi khayo, huno ya dala u swika huňwe fhethu, zwenezwo, musi ni tshi engedza u shela, i ḥana u fhungudzeya. Hu tou vha na phindulo nthihi fhedzi: Mudzimu o rekanya.” Lufu lu dzhena musi ni kha miňwaha i yelaho kha fumbili-mbili u ya kha fumbili-thanu, mavhudzi matshena a thoma u bvelela, u onyana kha tshifhačuwo. Huno ni khou la zwiliwa zwi fanaho, ni

tshi vuseledza vhutshilo hañu, fhedzi ni khou lovha. Mudzimu o rekanya.

¹⁴⁰ Thetshelesani zwino, kha u vala, ndi khou takalela u amba hezwi zwino kha u thetshelesa hañu hoþe. Oo, arali na nga tou zwi gavha. Dzhielani nzhele, no vha no edela kha lifhasi u rangani. Huno hoyu dokotela we nda vha ndi tshi khou amba nae o vha a si mutendi. O vha a tshi khou swaswa nga phodzo Khethwa. Huno nda ri, “Dokotela, ndi khou oda u u vhudzisa tshiñwe tshithu.”

“Oo, mbebo yau ya tshipofu na zwithu zwau zwoþe,” a ralo.

Nda ri, “Dokotela, ima lwa tshikhalyana. Arali tshiñwe tshithu tshi tshi teya u fa uri muvhili wanga u faho u tshire, Dokotela, naa hu na tshiñwe tshithu tsha tshimuya kha nñe?”

“Ee.”

¹⁴¹ “Hu teya u vha na maya ngomu afho une wa nñeya ndivho ya u divha zwone na zwo khakheyaho na zwiñwe. Zwenezwo arali tshiñwe tshithu tshi teya u fa uri uno muvhili u tshire, ngauralo, Tshiñwe tshithu tshi teya u fa uri maya wanga u tshire.” Huno nda mu lavhelesa. A lavhelesa murahu kha nñe, a dzungudza oho yawe, huno a uwa.

¹⁴² Zwenezwo musi Muya Mukhethwa u tshi thoma u alamela lifhasi, lavhelesani, kha ri dzhie tshifanyiso tshiþukunyana. Ho oma, a hu si na tshithu. Lavhelesani zwe zwa iteya. Musi A tshi thoma u alamela, ndi a kona u vhona u ukula huþuku hu tshi bvelela, nahone u mona heneffo ho vha ho vhofhekanywa dziñwe dza dzivithamini na dzielemente dze dza dzhena kha liluvha. Huno liluvha lituku la Paseka la bvelela. Lo itwa nga mini? Ndivho? Hai, u alamela ha Muya Mukhethwa.

¹⁴³ Zwenezwo ha mela mahatsi; ha mela zwimela. Muya Mukhethwa wa isa phanda na u alamela. Khotsi vha ri, “Hezwo ndi zwa vhuði.” Zwenezwo ha mela miri ya mitshelo. U bva kha zwenezwo zwiñoni zwa fhufha u bva mavuni. Muya Mukhethwa wa isa phanda na u alamela, u tshi unga zwa vhuði, u tshi khou ita lufuno, u tshi alamela u bva kha lifhasi. Heneffo ha bva vhutshilo ha phukha. Zwenezwo nga murahu ha tshifhinga ha bvelela muthu. Muya Mukhethwa u tshi khou alamela u bva kha lifhasi, u tshi khou alamela kha lifhasi, A vhumba muthu, u bva heneffo, tshone tshibveledzwa, A vhumba musadzi.

Huno avho vha vha vhafunani, musi vha tshi tshimbila tsimuni ya Edeni vhoþe, ndi a kona u pfa Efa a tshi ri, “Oo, maya ndi muhulu.”

¹⁴⁴ Ndi mu pfa a tshi ri, “Mulalo, kha u vhe hone.” Huno maya wa ima. Huno ndi a kona u mu pfa a tshi ri, “Mufuñwa . . .” musi a tshi ededza oho yawe ukhu kha mashada awe, na musi vha tshi mona mona, vha sa teyi u lwala. Ha teyi u vha na Zwidolo na luthihi uri zwi mu thuse kha u naka. O vha a tshi khou teya u vha

nga yeneyo ndila lwa tshothe. Huno na zwanda zwawe u mona na tshanda tshihulu tsha Adamu, vha tshimbila sa vhafunani ngei tsimuni. Huno ho no fhela tshifhinganyana, Leo, wa ndau, a vhomba. Ho vha hu si na nyofho. A ri, “Ida hafha, Leo.” Huno a mu vhanda kha muṭana. Sheetah, nngwe ya bvelela; a i vhanda. Huno dza vha tevhela nga murahu sa zwimange zwiṭuku.

¹⁴⁵ Huno ḋuvha lo thoma u kovhela nga ḋuvha la u thoma, kana, ḋuvha la vhurathi, zwavhuḍi-vhuḍi. Huno musi li tshi thoma u kovhela, Adamu a ri, “Mufuṛwa, ri teya u ya tshiyhidzoni madekwana a ḥamusi. Ri teya u gonyela nthā ngei ndumi khethwa.” Huno musi vha tshi ya kha miri mīhulu huno vha gwadama fhasi, huno Logos thethe i penyaho, Mudzimu, a tsela fhasi nga kha miri.

¹⁴⁶ Ipfani Ipfi Ḍawe la vhudi la Khotsi li tshi ri, “Vhana, naa u ḏiphina nga u dzula kha ḥifhasi ḥamusi?” Huno A vha mama kha marama, sa vhunga zwe vha zwe ralo, nahone a vha ededza. Ndaū, A i ededza, na Sheetah ya nngwe; hu si na tshi dinaho, hu si na khombo.

¹⁴⁷ Naa a ni funi u ita izwo hafhu? Fhedzi zwi a konadzea naa? Ee, zwe tou ralo. Huno arali Muya Mukhethwa wa alamela muvhili waṇu u bva kha mavu, inwi ni si na ndivho ya zwe na vha ni tshi khou ya u vha zwone, kana ḥhalukanyo ya u da hanu, nahone a kona u ni ḏisa hune na vha hone, nahone a ni nea u di khethela, zwi ḫo dzhia mini hafhu uri Muya Mukhethwa u ni alamele mavuni, hu si na ndavha arali muvhili waṇu wo hasekanywa kha mimuya miṇa ya ḥifhasi?

¹⁴⁸ Ndi mini tsho ni bveledzaho, u rangani? Ni tou vha buse; tshivhi tsho dzhena ngomu, nahone ri teya u ḫuwa, ri kha ḫi vha... Mudzimu ha nga vhuyi a kundwa. O lavhelela uri ḫino shango li dzulwe, ngauralo A sokou ita vhasadzi uri vha bveledze vhana. U kha di shela khalishiamu, na patheshi, na dzone—dzone dzielemente khavho, nahone a vha vhumba. Zwenezwo A vha ḏisa fhethu nahone a vha tendela vha ḫikhethela.

¹⁴⁹ Huno arali, ri si na u ḫikhethela, Mudzimu o nnyita muthu muswa ḫinwe ḋuvha, wa nungo, a na mutakalo, huno o takalah, huno Muya Mukhethwa (Hu si dzirwe dzi rotholaho, dzithiolodzhi dza fomaṭa—maitele a dziseminar dza thiolodzhi, fhedzi Muya Mukhethwa wo khetheyaho; hu si muri wa ḥhalukanyo, fhedzi wa Muya Mukhethwa, ni a vhona, ndi mbekanyamushumo ya Mudzimu.) a thoma u ḫoda nnyambisa nahone a ita lufuno na nne, huno nda Mu ḫanganedza, huno zwenezwo A tsela fhasi mbiluni yanga nahone a dzhia fhethu Hawe, ndi na fulufhelo la hani la uri U ḫo mvusa mađuvhani a u fhedza?

¹⁵⁰ Ndi ngani, O fulufhedzisa, O—O zwi ana. Huno vhutanzi hazwo mbiluni yanga zwino, na mbiluni yanu, uri U ḫo ri vusa mađuvhani a u fhedza. Ngauralo u aluwa kana zwiṇwe

zwi na mushumo wa mini? Na tshithihi zwatsho. Mudzimu o neya pfulufhedziso. Muya Mukhethwa u vhusa tshivhidzo. Muya Mukhethwa wo ni disa hafha. Zwothe vho vhofhekana u mona na Muya Mukhethwa.

Zwino, musi Muya Mukhethwa u tshi ita muungo wa vhudi kha inwi, nahone wa ri, "Muitazwivhi, ni mpho ya lufuno lwa Mudzimu, Ndi khou ḥoda u funana na inwi," naa ni nga si zwi ite?

¹⁵¹ Ndi ngani ni sa sokou vula mbilu yanu na ri, "Ee, Muya Mukhethwa, ndi fhano. Ndi fhano. Oo, a thi na ndavha na zwine muñwe muthu a amba. Muya Mukhethwa, ndi khou ḥoda Iwe. Ndi khou ḥoda Iwe. Ndi Iwe ane nda khou lavhelesana nae. Ndi Iwe"?

¹⁵² Zwenezwo musi myua muvhi u tshi bva kha muthu, diabolo, huno a vhuyeleta kha tshikoti tshawe tsha kale he a vha a tshi ni ita uri ni nwe, nahone na isa phanda, na fembedza, na timatima, na ṭata, na vha na mazhuluzhulu nga Bivhili, musi u tshi vhuya murahu kha lufhera lwa kale hafhu, ni a divha zwo iteyaho? Mudzimu o rumela gandagonda Lawe līhulu u bva Taqulu huno A kulumaga lufhera lwa kale. Ee, muñe wanga, mbofho-dza-u vhofha dza kale dza fhela; zwikoti zwa fhela; tshika ya fhela. Zwothe zwa sukumedzelwa kha Lwanzhe lwa Khangwa, nahone A zwi ḥophela kule.

¹⁵³ Huno A fhaṭa muhulu, wa tshizwino, mudi muswa. Huno U khou alamela henengei, nahone madzuvha a lunako o bvelela u mona na dzharata hafha. Mahatsi a vhudi a khou aluwa, na ndila dza nthesa dzi khou fhira nga heneffo. Ndi mini? Ho vha na muthu muswa o dzhenaho, hu si wa kale we a vhuya a dzula heneffo nahone a ni ita uri ni ṭate, a sa pfi, ni fare mudzulatsini wanu nga ndila yo khakhayaho, ni vhe wa dinomineisheni, wa muhumbulo mułuku, mutimatimi, a sa tendi, na vhurereli vhutuku ho thothonywaho u ita uri ni lwale. Fhedzi O ni kulumaga, Muya Mukhethwa heneffo na u alamela. Musi Muya Mukhethwa u tshi khou alamela, U do bveledza lufuno, dakalo, mulalo, u kondelela, u khuthala, u dzika, u lindela. U do nakisa nn̄du Yawe zwa vhudi. Zwo tou ralo, U do bvisa tshiła tshikoti tsha kale kha inwi... heneffo, tshe tsha bveledza u timatima hanu ha kale na u ṭata na zwinwe. U do bveledza ndila ndapfu nga heneffo, u itela uri zwithu zwothe zwi tshimbile zwavhudu kha inwi. Amen.

¹⁵⁴ Oo, vharathu, zwine ra ḥoda namusi a si radorobo muswa wa dorobo, hu si pholisa liswa kha mmbi, hu si dinomineisheni ntswa, hu si u divhonadza tshifhatuwo tshivhidzoni, fhedzi ri khou ḥoda fesheni ya kale, mvuseledzo ya Paulo Mukhethwa na Muya Mukhethwa wa Bivhili murahu kha tshivhidzo: Vhamethodisi, Vhabaphuthisi, Pentekostała, na inwi nothe. Zwo tou ralo. Zwine ra khou ḥoda namusi, ndi muñwe muthu a

na tshenzhemo ya u vha mulingi, muñwe muthu ane a ñivha Mudzimu a ñivhonadze.

¹⁵⁵ Hafha hu si kale musi ndi ngei Switzerland... Tshetshelesesani, musi ri tshi khou vala. Ndi vhangana, huno vhunzhi ha vhoinwi vhanna vha miñwaha yanga, vhasadzi, no vhala tshiñori tshi ñivheyaho tsha Arnold von Winkelried? Vhunzhi ha vhoinwi ni a mu elelwa, mukundi muhulu wa Muswiss. Oo, hezwo zwiñori a zwi lengi u hangwiwa vhukati ha vhathu. Vhukundi hawe a vhu athu u fhirwa na u vhambedzwa.

¹⁵⁶ Linwe ñuvha musi ma Swiss a tshi pfuluwa nahone a ñi wanela haya huñuku na zwithu ngei dzithavhani dza Swiss, na Vhakriste vha rabelaho, huno musi vha tshi vha na haya havho huñuku na zweþe zwi funeaho, mmbi khulu ya u þasela ya dzhena. Vhaswiss vha kuvhangana fhasi dzithavhani na madzembe a dza kale, kana zwiñuka, zwiñuka two tumulwaho na zweþe zwine vha nga lwa ngazwo. Vho vha vha si vhathu vha nn̄dwa. Vho sokou kuvhangana na thonga dzavho, na matombo, na zweþe zwine vha nga lwa ngazwo u itela u lwela shango ñavho.

¹⁵⁷ Fhedzi vhushie havho na vhommé, he hayo maswole o bvelela nahone a vhulaya vhushiye havho, na u hwihwidza vhasadzi zwiñarañani, na zwiñwe zwinzhi, na u thuthekanya mahaya avho na u dzhiya thundu dzavho. Huno hu bvelela mmbi khulu, na zwiñavhane zweþe, o gudiswaho zwa vhudi: gii, gii, gii, mapfumo malapfu, vho gudiswa zwa vhudi, vhunga luvhondo lwa zwidina, vha ña vha tshi hwenya hafha Switzerland ñituku.

¹⁵⁸ Oo, ho vha hu tshi vhonala hu na swiswi nga maanda. Huno mmbi ñukhu ya Maswiss, vho sandamelwa khudani ñukhu fhasi ha thavha, vho vha vho kundwa zwi khagala. Vha lavhelesa kha heyi ndila na heyo ndila, na u tou ralo, oo, vho fhirwa nga tshivhalo tsha zwigidi. Huno zwithu zwe vha vha vha tshi khou teya u lwa ngazwo, zwiñavhane zwavho, zwo vha zwi sa vhambedzwi na aña mahulu, mafumo malapfu. Tsireledzo yavho yo vha i si tshithu, hu tshi tou vha zwirumbi zwavho zwi so ngo fukedzwaho zwo andadzwaho kha ayo mapfumo a tshi zwi tshea, ngeno vhañwe vho vha vho tsireledzea zwavhuñi nga zwipileli.

¹⁵⁹ Vho vha vha so ngo pfumbudzwa; vho vha vha so ngo pfumbudzwa, musi ñiwe mmbi yo pfumbudzwa, na ligi linwe na linwe li a fana. Phanda, phanda, na phanda ya swika. Mafheleloni, tshiñwe tshithu tshi teya u itwa. Vhoramakwevho vhañuku vha lushaka lwa Maswiss vho vha vha tsini; tshiñwe na tshiñwe tsho vha tshi kha vhuimo vhu ofhisaho.

¹⁶⁰ Mafheleloni, munna muñuku nga dzina la Arnold von Winkelried a bvelela, huno a ri, "Vhanna vha Switzerland, linwe ñuvha ndi do ñetshedza vhutshilo hanga u itela Switzerland." A ri, "Tshiñwe tshithu tshi teya u itwa, nahone ndi do tshi ita." A ri, "Seli hangei thavhani ndi muñi muñuku mutshena,

hune wavhudzi, mufumakadzi wanga a funwaho na vhana vhanga vhararu vho lindela u vhuya hanga; fhedzi a vha tsha do dovha hafhu vha mmbona, ngauri lino duvha ndi netshedza vhutshilo hanga u itela Switzerland.”

Huno vhanna vhothe vha lavhelesa vho akhamala, nahone vha ri, “Arnold von Winkelried, u do itela Switzerland mini?”

A ri, “Itanu ntevhela. Ntevheleni, nahone ni lwe nga zwine na vha nazwo, u ya nga hune na kona.”

¹⁶¹ Huno a posa phasi zwe a vha a nazwo. Huno a imisela zwanda zwawe lutomboni, huno a huwelela nga ipfi lihulu, huno a ri, “Vulani ndila u itela mulalo! Vulani ndila u itela mulalo!” Huno musi a tshi gidimela kha mmbi ya Swiss, a lavhelesa u vhona he mapfumo masekenesa a vha a hone, huno a gidimela henehfo na zwanda zwawe zwi nthia. Huno mapfumo a fhiraho a madana a lindela u mu tanganedza. Huno musi a tshi swika henehfo a gavha tshigwada tshao othe, huno a posa kha tshipileli tshawe, nahone a wa a fa. Zwo tou ralo, u vhonadzwa hu ngafho ha vhukundi ho kundaho iyo mmbi. A vho ngo divha zwe vha teya u ita; zwi fana na Davita na Goliada.

¹⁶² Huno hayo masole a Maswiss a vhona zwe zwa iteya, huno vha gidimela ngomu, huno nga madzembe avho na zwihiuka zwo vha dwahalo na matombo avho, vha gidimisela heyo mmbi nnnda ha lushaka. Huno vho vha na mulalo u bva tshenetsho. A hu athu u vha na dzinndwa ngei Switzerland. Itanu amba dzina la Arnold von Winkelried dzithavhani huno ni vhone marama a tshi bva muvhala na mitodzi i tshi shuluwa. Vha a divha uri shango lavho la mulalo ndi mini, uri lo dura mini; kuitele kwo raloho kwa vhukundi.

¹⁶³ Fhedzi oo, hezwo zwo vha zwithu zwiñuku, kha, liñwe duvha tshinwe tshithu-vho tsho iteya.

¹⁶⁴ Musi lushaka lwa Adamu, vhana vha Adamu, vho sendekelwa khudani, lufu na malwadze thungo dzothe, tshivhi tshi tshi khou ñana; mulayo wo kundelwa; vhaporofita vho kundelwa; zwothe zwo kundelwa; vho hana, nahone vho vha vha kha ndaño yo raloho. Malwadze na u nyadza, na zwiñwe, zwo sokou vha wisela fhethu u swika hu si na fulufhelo lo salaho. Huno afho ho ima lushaka lwa Adamu lu tshi tetemela, lu tshi dzinginyeya. Ho vha hu si na tshe tsha vha tshi tshi nga itwa; hele yo vha i tshi khou vula zwanda zwayo uri i vha mile. Huno Vhugalani, Muñwe muthu a bvelela, Murwa wa Mudzimu: “Ndi do tsa phasi, Khotsi. Ndi do vha muñwe wavho. Ndi do tsa phasi.”

“U do ita mini?” Vharunwa vha ralo.

“Lavhelesani.”

¹⁶⁵ Liñwe duvha, o ima vhukati ha vharwa vha vhathu, A lavhelesa phasi kha nyofho khulwane dzine muthu a vha nadzo,

dze dza vha dzi lufu, huno musi A tshi imisa zwanda Zwawe nahone a ya fhethu hu vhidzwaho Khalivari, A didzhenisa Ene muñe kha khuli ntswu ye muthu a vhuya a i ofha, ye ya vha i lufu, nahone a i kunda. Huno musi A tshi gonya N̄tha, Ho ngo vhuya a rumela kwañhisidzo ya lutendo lwa thiolodzhi; O rumela Muya Mukhethwa murahu, nahone a ri, “Dzhiyani Hezwi, huno ni lwe nga zwothe zwine na vha nazwo ngomu hanu. Dzhiyani Hezwi, nahone ni Ntevhele. Vhunga Khotsi vho Nthuma, ngauralo Nne ndi ruma inwi.” Huno Khotsi vhe vha Mu ruma, vho tshimbila Nae, nahone vha tshimbila ngomu Hawe. Huno musi A tshi ri ruma, U da na rine, kha rine.

¹⁶⁶ Vhanna na vhasadzi, zwine ra khou ḥoda n̄amusi a si madzina ashu kha bugu ya tshivhidzo, zwine ndi zwa vhudi, fhedzi ri khou teya u hwala Tshīthavhane tsha maanda tsha Muya Mukhethwa mbiluni dzashu, tshine tsha shandukisa muthu wa ngomu-ngomu, nahone tsha ri ita zwivhumbwa zwiswa kha Kristo Yesu, nahone tsha vula ndila kha shango livhi nga u luga na maanda a mvuwo ya Yesu Kristo.

¹⁶⁷ Hezwo ndi zwone zwine ra ḥoda. Hezwo ndi zwone zwine tshivhidzo tsha ḥoda, hu si u divhonadza tshifhañtuwo kana tshigwada tsha mirado miswa, fhedzi vuseledza zwine ra vha nazwo, nahone u dadze nga Muya Mukhethwa, huno u dzudzanye u lwa na swina, u rabelela vhalwadze, u fhodza vhalwadze, u pandela vhodiabolo. “Ni ḥanganedza mahala, neani mahala. Hezwi zwiga zwi do tevhela avho vhane vha tenda.” Kristo o vheya tshandani tsha muthu tshīthavhane tsha khwiñesa tshe tsha vhuya tsha vhewa kha vhatħu, ndi ndovhedzo ya Muya Mukhethwa: mbilu ntswa, mya muswa, “huno Ndi do vheya Muya Wanga ngomu afho.” Huno zwenezwo i lwani nga zwine zwa vha ngomu hanu u swika lufu lu tshi do ni vhofholola.

Kha ri rabele.

¹⁶⁸ Ro kotamisa ḥoho dzashu, phanda ha musi ri sa athu u ita tshīnwetshithu, ndi vhilayela hezwi: vhanna na vhasadzi, naa ni a zwi divha uri hu na Tshithu tshithihi fhedzi tshine tshi nga ni fha Vħutshilo, nahone hetsho ndi Muya Mukhethwa? Naa ni a limuwa uri Ndi Ene ane a khou alamela inwi?

¹⁶⁹ Musi holwuya lushie lułuku lwo dzħiċċa, huno na lu issa tħaloni, na kwama marama alwo małku, na ri, “Mufuñwa, mma vha do ḥangana na iwe, baba vha do ḥangana na iwe.” Ho vha hu mini? Ho vha hu Muya Mukhethwa u tshi khou alamela.

¹⁷⁰ Musi duvha na duvha, musi ni tshi gwadama fhasi uri ni rabele iyo thabelo thukhu phanda ha musi ni tshi ya mmbeten, huno Tsinwe tshithu tsha ni vhudza uri hu na tshinwe tshithu tsho khakheyaho, U khou kondelela, ha zwi funi uri muñwe a lovhe. Naa ni a zwi limuwa uri izwo ndi u alamela ha Muya Mukhethwa?

¹⁷¹ Ni a ri, “Nwaha u qaho ndi do lingedza u ita khwine; tshifhinga tshi tevhelaho vha tshi vha na mvuseledzo ndi do ya kha aletare; khanwe ndi tshi wana tshikhala nahone ndo fhedza mushumo wanga, ndi do vha na tshifhinga tshițku tsha u rabela”? Oo, naa ni a ita izwo? Muya Mukhethwa u khou alamela. A thi ni divhī; Mudzimu u a ralo.

¹⁷² Fhedzi ndi khou ṭoda ni tshi imisa zwanda zwanu u itela Kristo zwino huno ni ri, nga u imisa zwanda zwanu, “O Kristo, ndi a zwi divhā zwino uri Muya Mukhethwa Wau wo vha u tshi khou alamela kha nne u itela u mmbidzela tshumelo Yau.” Oo, ni nga vha ni si murēri kana mufunziruňwa. Ni nga vha ni tshi tou vha murado wa tshivhidzo kha tshivhidzo tshanu. Fhedzi Muya Mukhethwa u khou ni vhidza. U khou ṭoda ni tshi vha na vhuțanzi u itela itsho tshivhidzo. Naa ni do Mu imisela tshanda tshanu zwino, sa tshiga tsha u ri, “Mudzimu, ndi nne; ndi khou fhindula zwino”?

Mudzimu a ni fhațutshedze. Oo, nne-nne. N̄tha kha balikhoni, hu na mini afho n̄tha. Mudzimu a ni fhațutshedze murahu afho. Oo, izwo ndi zwa vhudi.

¹⁷³ O Khotsi wa Tadulu, muňwe mučamngano hafhu, huno mvuseledzo ḥukhu i do valwa, vhunga ri na ḥalukanyo yazwo. Huno musi ri tshi ima, vhusiku na vhusiku, huno ra vhona Muya Mukhethwa u tshi alamela, u tshi bvisa mařupho kha vhathu, u tshi dzumbulula zwiphiri zwa mbilu, u tshi sumbedza mihulu, mishumo ya maanda na zwiga, ri a limuwa uri ri magumoni a ndila.

¹⁷⁴ Wo ri, “Vhunga zwe vha hone mađuvhani a Noaxe...” Shango lo no dala zwishumiswa, vha khou fhaṭa dzinndu, mitobvu, methala, na zwinwe, huno zwenezwo, nga tshihadu, u bva kha uho u rothola, la vhurereli, kha shango la fomała muporofita a vuwa, Muruňwa a vhonala, zwiga zwa thoma u iteya, nahone shango la tshinyadzwa.

¹⁷⁵ Vha tshi bva Egipita ho no fhela miňwaha ya madana, musi tshivhidzo tsho no rothola na u pembela havho ha vhurereli ho no rothola na u vha fomała na u fhambana, tsho vha tsho no tou vha tshifhinga tsha u ya hayani: Muruňwa a vhonala; muporofita a bebwa; mulaedza wa netshedzwa; zwiga na vhuđolo zwa itwa; zwa-n̄tha-ha-mupo zwa bvelela, zwe zwa vha zwe fa lwa miňwaha, huno vha vha tshi khou zwi landula; ho vha hu magumoni a ndila.

¹⁷⁶ Huno musi vha tshi tou rothola hafhu, phanda ha u Vhuya ha Murena Yesu: Muruňwa a vhonala; muporofita a bebwa; zwa-n̄tha-ha-mupo zwa itwa; nahone Murwa wa Mudzimu a da shangoni.

¹⁷⁷ Huno Khotsi, zwi khou rothola zwino lwa heyi miňwaha yothe. Huno ri fhano ḥhanganyeloni hafhu: murotholo, shango zwalo na madzhasi a vhufunzi, maitele zwao, u vha mirađo ya

tshivhidzo tshavho, nahone vha tou vha tsini na u oma, vha ya kona u zwi vhona nga maṭo avho vhone vhan̄e uri zwa-n̄tha-hamupo zwi khou itwa; Vharuṇwa vha khou vhonala; mulaedza wo bva; mishumo ya Mudzimu i khou vhonadzwa. O Mudzimu, dzinginyisa mbilu iñwe na iñwe.

¹⁷⁸ Huno kha tshino tshifhaṭo tshiṭuku, ano masiari, hune vhaṭuku vhashu ro kuvhangā roṭhe, hō vha na zwanda zwinzhi zwo imiswaho. Vha khou ṭoda heli Vhili vhukati ha vhili. Vha khou ṭoda Muya Wau vhutshiloni havho u tshi vha vhusa, na u vha ita zwivhumbwa zwiswa, na u vha langa, na u vha netshedza—netshedza vhutshilo ha Tshikriste na u tshila khavho.

¹⁷⁹ Huno ndi a rabela, Khotsi wa Ṭadulu, nga mbilu yanga yoṭhe, uri U rumele ndovhedzo ya Muya Mukhethwa zwino. Ngavhe i tshi da u bva Vhugalani sa maya u vhudzulaho nahone u dzule kha mbilu iñwe na iñwe. Huno ngavhe maya wa phele wa kale u tshi vha ṭutshela nahone ngavhe wo dzikaho, Muya wa Ngwana wo fhumulaho u tshi da, huno Liivha la mulalo li do dzula kha iyo Ngwana vhunga lo zwi ita ngei Yorodane liya ḋuvha. Ngauri ndi zwone zwivhumbwa zwivhili zwine zwa pfesesana. Huno ri limuwa, wa kale, wa u lwa, maya muvhī wa shango: Muya Mukhethwa u nga si dzule fhethu ho raloho. U tou vha—u sokou Dīṭutshela. Huno ri a zwi ḋivha uri zwo vha zwi tshi do vha zwi fanaho, arali Ngwana yo vhuya ya lingedza u tshila sa phele. Fhedzi i teya u vha Ngwana.

¹⁸⁰ O Mudzimu, ḥamusi, kha Vhunne Hau Iwe muṇe ha u sika, ngavhe Muya Mukhethwa u tshi alamela, zwino, kha izwo zwanda zwo imaho na vhaṇwe nn̄dani ha avho, u do shandukisa mvelo yavho u ya kha ya ngwana, maya muswa, mbilu ntswa; huno ngavhe Liivha li tshi da kha mbilu dzavho, vha endedze, nahone u vha fhe Vhutshilo ha lini na lini. Hedzi phaṭhutshedzo ndi a dzi humbela, u itela hetshi tshivhidzo tshiṭuku na havha vhatu, nga Dzina la Murwa Wau a funeaho, Murena Yesu. Amen.

¹⁸¹ Naa ni a Mu funa? Ni tou pfa unga no vhaiswa? Ndo ni fareledza zwiṭuku. Hafu u ya kha awara ya vhuṇa; ndi a fulufhela uri vha do vha vha tshi khou ḥetshedza garaṭa dza thabelo u yela kha hafu ya awara ya vhuṛathi, zwi ngaho izwo, ya vhuṛathi kana hafu ya awara ya vhuṛathi.

¹⁸² Zwino, ndi khou ṭoda ni tshi ita hezwi, vhoiñwi no imisaho zwanda zwanu na inwi vhan̄e na teya u zwi ita. A thi khou ni vhudza uri ni shandukise zwivhidzo zwanu. Hai, muṇe wanga, hai. Itanu ya kha Kristo nahone ni tshile u itela Ene nga mbilu yanu yoṭhe.

¹⁸³ Tshimbilani, ni vhudze vhafunzi vhaṇu, musi Muya Mukhethwa wo ni ḫadza, ni sokou ri, “Vhafunzi, ndi khou ya u vha murado o fhambanaho kha we nda vha ndi ene. Vhutshilo

hangā vhu khou ya u anda na u fulufhedzea, ngauri kha nñe hu dzula Muya Mukhethwa.” Oo, a nga zwi livhuwa hani. Huno khanwe ni nga mu isa kha tshenzhemo tshi fanaho, arali a sa athu u vha natsho. Ndi nnyi a ḋivhaho? Hezwo ndi zwone zwine ra khou ṭoda.

Murena vha ni fhaṭutshedze. Huno ni vhathetshelesi vha funeaho kha u amba navho. Huno ndi rabela uri muñwe na muñwe wañu a ḋadzwē nga Muya Mukhethwa wa Mudzimu.

Ndi vhangana vhane vha tenda uri zwe nda amba ndi ngoho, hezwo ndi yone thodeya ya tshivhidzo? Ndi a livhuwa. Huno ngavhe Murena vha tshi ni fhaṭutshedza.

¹⁸⁴ Zwino, ndi khou ya u humbela vhafunzi, Mukomana Vayle, arali a tshi ḍo ḍa hafha huno a fhedzisa tshumelo, musi ndi tshi ya u rabela na u lugela tshumelo ya phodzo madekwana a ñamusi. Mudzimu vha ni fhaṭutshedze, Dokotela Vayle.

[Mukomana Vayle u amba na Mukomana Branham—Mudz.]
(Ee, ndi a kholwa, phanda ha tshumelo dza phodzo. Ndi a ralo.)

¹⁸⁵ Mukomana Vayle o vha a tshi khou vhudzisa, vha khou ṭoda zwiñwe zwinepe. Izwo zwinepe zwi nga dzhiwa tshifhinga tshiñwe na tshiñwe, fhedzi, u swika ḫuthuwedzo i tshi kwama bono, ngauri Tshedza tshine nda tshi lavhelesa, Ndi—Ndi Tshedza.

¹⁸⁶ Ndi vhangana vhane vha zwi ḋivha uri Yesu Kristo ndi Tshedza zwino? Zwo tou ralo, nnyi na nnyi ane a ḋivha Bivhili, u ya ḋivha izwo. Zwo tou ralo. O vha a . . . Tshifhinga tshiñwe na tshiñwe musi ndi tshi khou rera kana zwiñwe madekwana a ñamusi, zwi ḍo luga zweþhe. Murena vha ni fhaṭutshedze nga vhulenda hoþhe ha Ṭadulu, ndi thabelo yanga.



U EDZISELWA HA VHUKRISTE TSV57-0127A
(The Impersonation Of Christianity)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga masiari a Swondaha, Phando 27, 1957, ngei Holoni ya Tshihumbudzi kha la Lima, Ohio, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org